

Rumantsch è ina lingua naziunala, ma ina lingua parzialmain uffiziala da la Confederaziun, numnadama en la correspunderza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validat legala.

Lescha federala davart l'Assamblea federala (Lescha dal parlament, LParl)

dals 13 da decembre 2002 (versiun dals 26 da novembre 2018)

*L'Assamblea federala da la Confederaziun svizra,
sa basond sin l'artitgel 164 alinea 1 litera g da la Constituziun federala¹, suenter
avair prendì invista dal rapport da la Cumissiun d'instituziuns politicas dal Cussegl
naziunal dal 1. da mars 2001²
e da la posizion dal Cussegl federal dals 22 d'avust 2001³,
concluda:*

1. titel Disposiziuns generalas

Art. 1 Object

Questa lescha regla:

- a. ils dretgs e las obligaziuns dals commembers⁴ da l'Assamblea federala;
- b. las incumbensas e l'organisaziun da l'Assamblea federala;
- c. la procedura en l'Assamblea federala;
- d. las relaziuns tranter l'Assamblea federala ed il Cussegl federal;
- e. las relaziuns tranter l'Assamblea federala ed ils tribunals da la Confederaziun.

AS 2003 3543

¹ SR 101

² BBI 2001 3467

³ BBI 2001 5428

⁴ Per princip vegnan duvradas en quest text sulettamain las furmas masculinas per designar funcziuns uffizialas. Questa furma grammaticalmain neutrala includa sa chapescha tant persunas femininas sco er persunas masculinas che pon occupar questas funcziuns.

Art. 2 Reunions da las chombras

¹ Il Cussegħi naziunal ed il Cussegħi dals chantuns sa radunan regularmain a sessiuns ordinarias.

² Mintga chombra po decider da sa radunar a sessiuns extraordinarias, sche las sessiuns ordinarias na bastan betg per tractar tut las fatschentas.

³ In quart dals commembors d'ina chombra u il Cussegħi federal pon pretender che las chombras u l'Assamblea federala plenara veggian convocadas ad ina sessiun extraordinaria per tractar ils sustants objects:

- a. sbozs dal Cussegħi federal u d'ina cumiſſiun da l'Assamblea federala per decrets da l'Assamblea federala;
- b. moziuns da cuntegn identic inoltradas en tuttas duas chombras;
- c. elecziuns;
- d. decleraziuns dal Cussegħi federal u sbozs da decleraziun dal Cussegħi naziunal e dal Cussegħi dals chantuns da cuntegn identic inoltrads en tuttas duas chombras.⁵

⁴ Ad ina sessiun ordinaria u extraordinaria sa radunan tuttas duas chombras per regla durant las medemas emnas dal chalender.⁶

Art. 3 Sarament ed empermischun

¹ Avant ch'entrar en uffizi presta mintga commember da l'Assamblea federala il sarament u l'empermischun solenna.

² Las persunas elegidas da l'Assamblea federala prestan lur sarament u lur empermischun solenna davant l'Assamblea federala plenara suenter lur elecziun, nun che la lescha disponia insatge auter.

³ Tgi che refusa da prestar il sarament u l'empermischun solenna, desista da ses uffizi.

⁴ Il sarament ha la suandanta formulazjoni:

«Jau engir davant Dieu il tutpuissant d'observar la Constituziun e las leschas e d'adempilir conscienciusamain las obligaziuns da mes uffizi.»

⁵ L'empermischun solenna ha la suandanta formulazjoni:

«Jau empermet d'observar la Constituziun e las leschas e d'adempilir conscienciusamain las obligaziuns da mes uffizi.»

⁵ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829).

⁶ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829).

Art. 4 Publicitat

¹ Las sesidas da las chombras e da l'Assamblea federala plenara èn publicas. Las tractativas vegnan publitgadas cumplettamain en il Bulletin uffizial da l'Assamblea federala. Ils detagls da la publicaziun vegnan reglads tras in'ordinazion da l'Assamblea federala.

² Per proteger interess da segirezza impurtants u per garantir la protecziun da la personalitat po vegnir pretendida ina tractativa secreta. Ina tala dumonda po vegnir fatga:

- a. d'in sisavel dals commembers d'ina chombra respectivamain da l'Assamblea federala plenara;
- b. da la maioritat d'ina cumissiun;
- c. dal Cussegl federal.

³ La deliberaziun davart la dumonda d'ina tractativa secreta è sezza er secreta.

⁴ Mintga persuna che sa participescha a tractativas secretas sto tegnair dascus il cuntegn da talas.

Art. 5 Infurmaziun

¹ Las chombras e lur organs infurmeschan a temp ed en moda cumplessiva davart lur activitat, nun che quai cuntrafetschia ad interess publics u privats predominants.

² La transmissiun da tun e da maletgs or da las salas da sesida sco er l'accreditazion da collauraturas da las medias vegnan regladas tras ordinaziuns da l'Assamblea federala u tras reglaments da las chombras.

2. titel Commembers da l'Assamblea federala**1. chapitel Dretgs ed obligaziuns****Art. 6 Dretgs da procedura**

¹ Ils commembers da l'Assamblea federala (parlementaris) han il dretg d'inoltrar iniciativas parlamentaras ed intervenziuns e da proponer candidats per las elecziuns.

² Els pon far propostas davart objects pendents e davart la procedura.

³ Il dretg da prender il pled ed il temp da discurrer pon vegnir restrensches tras reglaments da las chombras.

⁴ Davart ina iniciativa parlamentara, ina moziun u in postulat ch'è vegni contestà dastgi mo vegnir votà, sche l'autur ha survegni la chaschun da preschentar a bucca

ses arguments. Il dretg da prender il pled ha plinavant almain quel che ha proponì sco emprim da refusar l'intervenziun.⁷

Art. 7 Dretgs d'infurmaziun

¹ Ils parlamentaris han il dretg da vegnir infurmads dal Cussegl federal e da l'administraziun federala davart mintga fatschenta da la Confederaziun e da prender invista dals documents, sche quai è necessari per exequir il mandat parlamentar.

² Il singul parlamentari n'ha nagin dretg da survegnir infurmaziuns:

- a. da las proceduras da cunrapport e da las tractativas da las sesidas dal Cussegl federal;
- b. ch'èn classifitgadas sco confidenzialas u secretas en l'interess da la protecziun dal stadi u dals servetschs d'infurmaziun u che pon chaschunar in donn als interess da la Svizra en ils mauns da persunas betg autorisadas;
- c. che duain restar confidenzialas per motivs da la protecziun da la personalitat.⁸

³ Sch'in parlamentari ed il Cussegl federal na vegnan betg perina pervia da la dimensiun dals dretgs d'infurmaziun, po il parlamentari appellar il presidi da la chombra, a la quala el appartegna. Il presidi intermediescha tranter il parlamentari ed il Cussegl federal.

⁴ Il presidi da la chombra decida definitivamain, sch'il parlamentari ed il Cussegl federal n'en betg perina, schebain las infurmaziuns èn necessarias per exequir il mandat parlamentar.

⁵ Sch'il Cussegl federal ed il parlamentari n'en betg perina, schebain il parlamentari ha il dretg da survegnir infurmaziuns tenor l'alinea 2, e sche l'intermediaziun dal presidi da la chombra n'ha betg success, po il Cussegl federal er suttametter al parlamentari in rapport empè da dar invista als documents.

⁶ Per preparar l'intermediaziun po il presidi da la chombra prender invista dals documents dal Cussegl federal e da l'administraziun federala senza restricziuns.

Art. 8 Secret d'uffizi

Ils parlamentaris èn suttamess al secret d'uffizi, sch'els han – a basa da lur actividadad uffiziala – enconuschientscha da fatgs che ston restar secrets u èn confidenzials per proteger interess publics u privats predominants, en spezial per garantir la protecziun da la personalitat u per prender resguard d'ina procedura pendenta.

⁷ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829).

⁸ Versiun tenor la cifra I da la LF dals 17 da zer. 2011 (precisaziun dals dretgs da survegnir infurmaziuns da las cumissiuns da surveglianza), en vigur dapi il 1. da nov. 2011 (AS 2011 4537; BBI 2011 1817 1839).

Art. 9 Entradas ed indemnisiaziuns

Per lur activitat parlamentara survegnan ils parlamentaris da la Confederaziun ina indemnisiaziun sco er ina contribuziun per cuvrir ils custs che resultan da lur activitat parlamentara. Ils detagls vegnan reglads en la Lescha dals 18 da mars 1988⁹ davart las resursas dal parlament.

Art. 10 Obligaziun da sa participar a las sesidas

Ils parlamentaris èn obligads da sa participar a las sesidas da las chombras e da las cumissiuns.

Art. 11 Obligaziuns da transparenza

¹ Cur ch'el entra en uffizi ed al cumentzament da mintga onn infurmescha mintga parlamentari en scrit il biro davart:

- a. sias activitads professiunalas;
- b. sias activitads en gremis directivs e da surveglianza, en cussegls consultativs ed en gremis sumegliants da corporaziuns, d'instituziuns e da fundaziuns svizras ed estras da dretg privat e public;
- c. sias activitads da cussegliazion u d'expert per servetschs federais;
- d. sias activitads permanentas da direczion u da cussegliazion per gruppas d'interess svizras ed estras;
- e. sia cooperaziun en cumissiuns ed en auters organs da la Confederaziun.

² Ils Servetschs dal parlament cumpileschan in register public cun las indicaziuns dals parlamentaris.

³ Parlamentaris che han in interess persunal direct vi d'in object da la tractativa, rendan attent a queste interess, cur ch'els s'expriman en la chombra u en ina cumissiun.

⁴ Il secret professiunal en il senn dal Cudesch penal¹⁰ resta resalvà.

Art. 11a¹¹ Recusazion

¹ Exequind la surveglianza suprema tenor l'artitgel 26 prendan ils commembors da cumissiuns e da delegaziuns recusaziun, sch'els han in interess persunal direct vi d'in object da la tractativa u sche lur imparzialitat pudess esser messa en dumonda per auters motivs. Nagin motiv da recusaziun n'è la defensiu d'interess politics, en spezial da communitads, da partidas u da federaziuns.

⁹ SR 171.21

¹⁰ SR 311.0

¹¹ Integrà tras la cifra I da la LF dals 17 da zer. 2011 (precisaziun dals dretgs da survegnir infurmaziuns da las cumissiuns da surveglianza), en vigur dapi il 1. da nov. 2011 (AS 2011 4537; BBI 2011 1817 1839).

² En cas disptaivels decida la cumissiun u la delegaziun pertutgada definitivamain davart la recusaziun, suenter avair laschà vegnir a pled il commember pertutgà.

Art. 12 Independenza envers stadis esters

Als parlamentaris èsi scumandà d'exequir funcziuns uffizialas per stadis esters sco er da surpigliar titels ed onurificaziuns d'autoritads estras.

Art. 13 Mesiras disciplinaras

¹ Sch'in parlamentari cuntrafa, malgrà ch'el è vegni admonì, repetidamain a las prescripcziuns disciplinaras e processualas da las chombras, po il president:

- a. privar il parlamentari dal pled; u
- b. excluder il parlamentari per maximalmain il rest da la sesida.

² Sch'in parlamentari cuntrafa grevamain a las prescripcziuns disciplinaras e procesualas u sch'el violescha il secret d'uffizi, po il biro da la chombra cumpetenta:

- a. pronunziar ina reprimanda cunter il parlamentari; u
- b. excluder il parlamentari fin a 6 mais da sias cumissiuns.

³ Davart protestas dal parlamentari pertutgà decida la chombra.

2. chapitel Regulaziuns d'incumpatibilitad

Art. 14 Incumpatibilitads

Betg appartegnair a l'Assamblea federala na dastgan:

- a. las persunas ch'ella ha elegi u confermà;
 - b. ils derschaders dals tribunals da la Confederaziun che n'èn betg vegnids elegids da l'Assamblea federala;
 - c.¹² il persunal da l'administraziun federala centrala e decentrala, dals Servetschs dal parlament, dals tribunals da la Confederaziun, dal secretariat da l'Autoritat da surveglianza da la Procura publica federala, da la Procura publica federala sco er ils commembers da las cumissiuns extraparlamentaras cun cumpetenças da decider, nun che las leschas spezialas disponian insatge auter;
 - d. ils commembers da la direcziun da l'armada;
 - e. ils commembers dals organs directivs d'organisaziuns u da persunas da dretg public u privat che n'appartegnan betg a l'administraziun federala e che adempleschan incumbensas administrativas, en las qualas la Confederaziun ha ina posiziun predominanta;
- ¹² Versiun tenor la cifra II 2 da l'agiunta da la LF dals 19 da mars 2010 davart l'organisaziun da las autoritads penals, en vigur dapi il 1. da schan. 2011 (AS 2010 3267; BBI 2008 8125).

- f. persunas che represchentan la Confederaziun en organisaziuns u en persunas da dretg public u privat che n'appartegnan betg a l'administrazion federala e che adempleschan incumbens administrativas, en las qualas la Confederaziun ha ina posizion predominanta.

Art. 15 Proceder

¹ Sch'i resulta ina incumpatibilitad tenor l'artitgel 14 litera a, declara la persuna pertutgada per tgenin dals dus uffizis ch'ella sa decida.

² Sch'i resulta ina incumpatibilitad tenor l'artitgel 14 literas b-f, vegn la persuna pertutgada exclusa da l'Assamblea federala 6 mais suenter la constatazioen da l'incumpatibilitad, sch'ella n'ha betg renunzià fin lura a l'autra funczioen.

3. chapitel

Immunitad e garanzia da pudair sa participar a las sessiuns

Art. 16 Immunitad absoluta

Ils parlamentaris na pon betg vegnir fatgs giuridicament responsabels per lur remar-tgas en las chombras ed en lur organs.

Art. 17¹³ Immunitad relativa

¹ Cunter in parlamentari po vegnir introducida ina procedura penala pervia d'in malfatg che stat en in connex direct cun sia posizion u cun sia actividad uffziala sulettamain cun l'autorisaziun da las cumissiuns cumpetentas da tuttas duas chombras. Il reglament da gestiun da mintga chombra designescha la cumissiun cumpetenta.

² Sche quai para dad esser giustifitgà tenor las circumstanzas dal cas, pon las cumissiuns cumpetentas surdar a las autoritads penales da la Confederaziun la persecuzion ed il giudicament d'in malfatg ch'è suttamess a la giurisdicziun chantunala.

³ L'Assamblea federala plenara po eleger in procuratur public federal extraordinari.

^{3bis} En accord vicendaivel pon ils presidents da las cumissiuns cumpetentas returnar a l'autoritat da persecuzion penala las dumondas d'abolir l'immunitad ch'en motivadas insuffizientamain, per las laschar rectifitgar.¹⁴

⁴ Sch'ina dumonda è evidentamain nunsustegnibla, pon ils presidents da las cumissiuns cumpetentas liquidar directamain la dumonda en accord vicendaivel. Els infurmeschan ordavant las cumissiuns en chaussa. Sche la maioritat d'ina cumissiun

¹³ Versiun tenor la cifra I da la LF dals 17 da zer. 2011 (dumondas d'abolir l'immunitad), en vigur dapi ils 5 da dec. 2011 (AS 2011 4627; BBI 2010 7345 7385).

¹⁴ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

pretenda che la dumonda vegnia deliberada, vegn tractada la dumonda en la procedura normala tenor l'artitgel 17a.¹⁵

Art. 17a¹⁶ Immunitad relativa: procedura

¹ La dumonda d'abolir l'immunitad vegn tractada l'emprim da la cumissiun cumpentata da la chombra, a la quala il parlamentari inculpà apparteigna.

² Sch'i dat differenzas tranter las decisiuns da las duas cumissiuns areguard l'entrada sin la dumonda u areguard l'aboliziun da l'immunitad, ha lieu ina procedura d'eliminaziun da las differenzas tranter las cumissiuns. La segunda refusa da vart d'ina cumissiun è definitiva.

³ Las cumissiuns èn ablas da decider, sche la maioritat da lur commembers è preschenta. L'abilitad da decider sto vegnir constatada explicitamain.

⁴ Las cumissiuns laschan vegnir a pled il parlamentari inculpà. Quel na dastga ni vegnir represchentà ni vegnir accumpagnà.

⁵ La decisiun da las cumissiuns è definitiva.

⁶ Cur ch'ina cumissiun ha communitygà sia decisiun al parlamentari pertutgà, infurmescha ella immediatamain la publicitat. A medem temp orientescha ella ils commembers da tuttas duas chombras tras ina communicaziun en scrit.

⁷ Sch'il parlamentari inculpà è commember d'ina da las cumissiuns cumpentantas, prenda el recusaziun.

Art. 18 Aboliziun dal secret da posta e da telecommunicaziun sco er ulteriuras mesiras d'inquisiziun

¹ Per abolir il secret da posta e da telecommunicaziun en il senn da l'artitgel 321^{ter} dal Cudesch penal¹⁷ dovrà in'autorisaziun dals presidis da las chombras:

- a. sch'i duain vegnir persequitads malfatgs d'in parlamentari;
- b. sch'i duain vegnir ordinadas mesiras envers in parlamentari per survegliar ina terza persona, cun la quala il parlamentari stat en relaziun a basa da ses uffizi.

² L'alinea 1 vegn applitgà tenor il senn er per quels cas, en ils quals autras mesiras d'investigaziun u d'inquisiziun penala èn necessarias cunter in parlamentari per far in emprim scleriment dals fatgs u per seguir las cumprovas.

³ Uschespert che las mesiras permessas dals presidis da las chombras èn realisadas, sto vegnir dumandada – per la persecuziun penala – l'autorisaziun da las cumissiuns

¹⁵ Versiun tenor la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

¹⁶ Integrà tras la cifra I da la LF dals 17 da zer. 2011 (dumondas d'abolir l'immunitad), en vigur dapi ils 5 da dec. 2011 (AS 2011 4627; BBI 2010 7345 7385).

¹⁷ SR 311.0

cumpetentas da tuttas duas chombras tenor l'artitgel 17, nun che la procedura vegnia messa ad acta.¹⁸

⁴ In'arrestaziu è inadmissibla senza questa autorisaziun.¹⁹

Art. 19 Procedura d'autorisaziun da vart dals presidis da las chombras

¹ Ils presidis da las chombras decidan en ina tractativa cuminaivla e secreta. Per conceder l'autorisaziun tenor l'artitgel 18 dovri il consentiment d'almain tschintg commembbers.

² L'autorisaziun per abolir il secret da posta e da telecommunicaziun po vegnir concedida pir, cur che l'autoritatd cumpetenta ha approvà l'ordinaziun da la surveglianza tenor l'artitgel 7 da la Lescha federala dals 6 d'october 2000²⁰ davart la surveglianza da la posta e da la telecommunicaziun.

Art. 20 Garanzia da pudair sa participar a las sessiuns

¹ Durant la sessiun po ina procedura penala cunter in parlamentari vegnir introducida pervia da crims u pervia da delicts che nastattan betg en in connex direct cun sia posizion u cun sia actividad uffiziala mo cun ses consentiment en scrit u cun l'autorisaziun da la cumissiun cumpetenta da sia chombra. Il reglament da gestiun da mintga chombra designescha la cumissiun cumpetenta.²¹

² Resalvada resta l'arrestaziun preventiva dal parlamentari pervia da privel da fugia u, sch'el vegn tschiffà en flagranti, durant ch'el commetta in crim. Per ina tala arrestaziun sto l'autoritatd che ha ordinà l'arrestaziun dumandar entaifer 24 uras directament l'autorisaziun da la cumissiun cumpetenta da la chombra, a la quala il parlamentari arrestà appartegna, nun ch'il parlamentari dettia en scrit ses consentiment a l'arrestaziun.²²

³ Sch'ina procedura penala pervia dals malfatgs numnads en ils alineas 1 e 2 è già introducida cunter in parlamentari al cumentzament da la sessiun, ha quest parlamentari il dretg da dumandar la cumissiun cumpetenta da sia chombra, sch'ella suspensia l'arrest già ordinà u citaziuns ad audiencias. Questa dumonda n'ha betg in effect suspensiv.²³

⁴ En cas d'in chasti d'emprascchunament, ch'è vegni pronunzià tras ina sentenzia valaivla, na po il parlamentari betg sa referir al dretg da sa participar a la sessiun,

¹⁸ Versiun tenor la cifra I da la LF dals 17 da zer. 2011 (dumondas d'abolir l'immunitad), en vigur dapi ils 5 da dec. 2011 (AS 2011 4627; BBI 2010 7345 7385).

¹⁹ Versiun tenor la cifra I da la LF dals 17 da zer. 2011 (dumondas d'abolir l'immunitad), en vigur dapi ils 5 da dec. 2011 (AS 2011 4627; BBI 2010 7345 7385).

²⁰ SR 780.1

²¹ Versiun tenor la cifra I da la LF dals 17 da zer. 2011 (dumondas d'abolir l'immunitad), en vigur dapi ils 5 da dec. 2011 (AS 2011 4627; BBI 2010 7345 7385).

²² Versiun tenor la cifra I da la LF dals 17 da zer. 2011 (dumondas d'abolir l'immunitad), en vigur dapi ils 5 da dec. 2011 (AS 2011 4627; BBI 2010 7345 7385).

²³ Versiun tenor la cifra I da la LF dals 17 da zer. 2011 (dumondas d'abolir l'immunitad), en vigur dapi ils 5 da dec. 2011 (AS 2011 4627; BBI 2010 7345 7385).

sche l'execuziun da la sentenzia è vegnida ordinada gia avant il cumenzament da la sessiun.

Art. 21 Dischaccord davart la necessitat da l'autorisaziun

Sch'igl è disptaivel, schebain in'autorisaziun tenor ils artitgels 17–20 è necessaria, decida l'organ ch'è cumpetent per l'autorisaziun.

4. chapitel²⁴ Responsabludad per donns

Art. 21a

¹ La responsabludad patrimoniala dal parlamentari per sia actividad uffiziala sa drizza tenor la Lescha da responsabludad dals 14 da mars 1958²⁵.

² Davart la responsabludad dal parlamentari tenor ils artitgels 7 ed 8 da la Lescha da responsabludad dals 14 da mars 1958 decida la Delegaziun administrativa.

³ Il parlamentari po far recurs cunter la decisiun da la Delegaziun administrativa tar il Tribunal federal.

3. titel **Incumbensas da l'Assamblea federala**

Art. 22 Legislaziun

¹ Tut las disposiziuns legislativas impurtantas vegnan fixadas da l'Assamblea federala en furma d'ina lescha federala.

² Ella po fixar ulteriuras disposiziuns legislativas en furma d'ina lescha federala u – tant enavant ch'ella è autorisada tras la Constituziun federala u tras ina lescha da far quai – en furma d'ina ordinaziun da l'Assamblea federala.

³ Sche las cumissiuns cumpetentas da l'Assamblea federala pretendan quai, las consultescha il Cussegl federal avant che decretar disposiziuns legislativas, premess che l'urgenza da l'ordinaziun permettia quai.

⁴ Sco legislativas valan disposiziuns che decreteschan obligaziuns, surdattan dretgs u fixeschan cumpetenças, e quai en moda directamain lianta e generalmain abstracta.

Art. 23 Midadas da la Constituziun federala

L'Assamblea federala suttametta las midadas da la Constituziun federala a la votaziun dal pievel e dals chantuns, e quai en furma d'in conclus federal.

²⁴ Integrà tras la cifra I da la LF dals 3 d'oct. 2008 (Dretg parlamentar. Differentas midadas), en vigur dapi ils 2 da mars 2009 (AS **2009** 725; BBI **2008** 1869 3177).

²⁵ SR **170.32**

Art. 24 Cooperaziun a la politica exteriura

¹ L'Assamblea federala persequitescha il svilup internaziunal e cooperescha a la furmaziun da la voluntad davart dumondas da princip e davart decisiuns impurtantas da la politica exteriura.

² Ella approvescha ils contracts internaziunals, nun ch'il Cussegl federal saja autorisà da concluder autonomamain tals contracts a basa d'ina lescha federala u a basa d'in contract internaziunal approvà da l'Assamblea federala.

³ Ella approvescha ils contracts internaziunals ch'èn suttamess al referendum, e quai en furma d'in conclus federal. Auters contracts internaziunals approvescha ella en furma d'in conclus federal simpel.

⁴ Ella cooperescha a radunanzas parlamentaras internaziunalas e tgira las relaziuns cun parlaments esters.

Art. 25 Finanzas

¹ L'Assamblea federala fixescha ils custs e las expensas d'investiziun en il preventiv ed en ses supplements.²⁶ Ella concluda e renovescha eventualmain credits d'impegn e limitas d'expensas cun agid dal preventiv e da ses supplements u cun agid da conclus speziali. Ella approvescha il quint statal.

² Per quest intent tscherna ella la furma d'in conclus federal simpel.

³ En conclus da credit fixescha ella l'intent e l'autezza dals credits. En queste conclus po ella plinavant fixar pli detagliadament las cundiziuns generalas da l'utilisaziun dals credits, l'urari per la realisaziun dal project e la rapportaziun tras il Cussegl federal.²⁷

Art. 26 Surveglianza suprema

¹ L'Assamblea federala exequescha la surveglianza suprema da la gestiun dal Cussegl federal e da l'administraziun federala, dals tribunals da la Confederaziun, da l'Autoridad da surveglianza da la Procura publica federala, da la Procura publica federala e d'auters gremis che adempleschan incumbencias federalas.²⁸

² Ella exequescha la surveglianza suprema da las finanzas en il sectur da l'artitgel 8 da la Lescha dals 28 da zercladur 1967²⁹ davart la Controlla da finanzas.

²⁶ Versiun tenor l'art. 65 cifra 1 da la Lescha da finanzas dals 7 d'oct. 2005, en vigur dapi il 1. da matg 2006 (AS 2006 1275; BBI 2005 5).

²⁷ Integrà tras l'art. 65 cifra 1 da la Lescha da finanzas dals 7 d'oct. 2005, en vigur dapi il 1. da matg 2006 (AS 2006 1275; BBI 2005 5).

²⁸ Versiun tenor la cifra II 2 da l'aggiunta da la LF dals 19 da mars 2010 davart l'organisaziun da las autoritads penales, en vigur dapi il 1. da schan. 2011 (AS 2010 3267; BBI 2008 8125).

²⁹ SR 614.0

³ L'Assamblea federala exequescha la surveglianza suprema tenor ils sustants criteris:

- a. legalitat;
- b. regularitat;
- c. opportunitat;
- d. efficacitad;
- e. rentabilitad.

⁴ La surveglianza suprema na cumpiglia betg la cumpetenza d'abolir u da midar decisiuns. La controlla dal cuntegn da decisiuns giudizialas e da decisiuns da la Procura publica federala è exclusa.³⁰

Art. 27 Controllas d'efficacitad

Ils organs da l'Assamblea federala designads da la lescha procuran ch'i vegnia controllada l'efficacitad da las mesiras da la Confederaziun. Per quest intent pon els:

- a. pretendier ch'il Cussegl federal laschia far controllas d'efficacitad;
- b. examinar las controllas d'efficacitad che vegnan fatgas per incumbensa dal Cussegl federal;
- c. surdar sezs l'incumbensa da far controllas d'efficacitad.

Art. 28 Decisiuns da princip e planisaziuns

¹ L'Assamblea federala cooperescha:

- a. a planisaziuns impurtantas da l'activitat dal stadi;
- b. a la determinaziun da las finamiras strategicas per unitads daventadas autonomas tenor l'artitgel 8 alinea 5 da la Lescha dals 21 da mars 1997³¹ davart l'organisaziun da la regenza e da l'administraziun.³²

^{1bis} Ella cooperescha:

- a. laschond s'infurmarr a maun da rapports dal Cussegl federal davart sias activitads tenor l'alinea 1 u prendend enconuschiantscha da tals rapports;
- b. incumbensond il Cussegl federal:
 1. da far ina planisaziun u da midar ils puncts centrals d'ina planisaziun, u

³⁰ Versiun da la segunda frasa tenor la cifra II 2 da l'aggiunta da la LF dals 19 da mars 2010 davart l'organisaziun da las autoritads penalas, en vigur dapi il 1. da schan. 2011 (AS 2010 3267; BBI 2008 8125).

³¹ SR 172.010

³² Versiun tenor la cifra I 1 da la LF dals 17 da dec. 2010 davart la participaziun da l'Assamblea federala a la determinaziun da l'orientazion strategica da las unitads daventadas autonomas, en vigur dapi il 1. da schan. 2012 (AS 2011 5859; BBI 2010 3377 3413).

2. da determinar finamiras strategicas per las unitads daventadas autonomas u da midar questas finamiras;
- c. prendend conclus da princip u conclus da planisaziun.³³
- 2 Conclus da princip e conclus da planisaziun èn decisiuns preliminaras che fixeschian las finamiras che duain vegnir cuntanschidas, ils princips ed ils criteris che duain vegnir observads e las mesiras che duain vegnir planisadas.
- 3 Ils conclus da princip ed ils conclus da planisaziun vegnan prendids en furma d'in conclus federal simpel. Sch'els èn da gronda impurtanza, po vegnir tschernida la furma d'in conclus federal.
- 4 Sch'il Cussegl federal divergescha d'incumbensas u da conclus da princip e da conclus da planisaziun, sto el motivar quai.

Art. 29 Acts singuls

- 1 L'Assamblea federala decretescha acts singuls che n'èn betg su ttamess al referendum, e quai en furma d'in conclus federal simpel.
- 2 Ils acts singuls da l'Assamblea federala che n'han betg ina basa legala necessaria en la Constituziun federala u en ina lescha federala vegnan su ttamess al referendum en furma d'in conclus federal.

Art. 30 Ulteriuras incumbensas

L'Assamblea federala ademplescha las ulteriuras incumbensas che la vegnan attribuidas da la Constituziun federala e da la legislaziun federala.

4. titel Organisaziun da l'Assamblea federala

1. chapitel Disposiziuns generalas

Art. 31 Organs

Ils organs da l'Assamblea federala èn:

- a. il Cussegl naziunal;
- b. il Cussegl dals chantuns;
- c. l'Assamblea federala plenara;
- d. ils presidis;
- e. ils biros;

³³ Integrà tras la cifra I 1 da la LF dals 17 da dec. 2010 davart la participaziun da l'Assamblea federala a la determinaziun da l'orientazion strategica da las unitads daventadas autonomas, en vigur dapi il 1. da schan. 2012 (AS 2011 5859; BBI 2010 3377 3413).

- f. la Conferenza da coordinaziun e la Delegaziun administrativa;
- g. las cumissiuns e lur sutecumissiuns sco er lur delegaziuns;
- h. las fracziuns.

Art. 32 Sedia da l'Assamblea federala

¹ L'Assamblea federala sa raduna a Berna.

² Tras in conclus federal simpel po ella decider da sa radunar excepcionalmain en in autre lieu.

Art. 33 Convocaziun

¹ Il Cussegli naziunal ed il Cussegli dals chantuns vegnan convocads da lur biros.

² L'Assamblea federala plenara vegn convocada da la Conferenza da coordinaziun.

³ Il president dal Cussegli naziunal u – sche quel è impediti – il president dal Cussegli dals chantuns è obligà da convocar las chombras, sche la segirezza da las autoritads federalas è periclitada u sch'il Cussegli federal n'è betg en cas d'agir.

2. chapitel Cussegli naziunal e Cussegli dals chantuns

Art. 34 Presidis

Il presidi da mintga chombra sa cumpona dal president sco er da l'emprim e dal segund vicepresident.

Art. 35 Biros da las chombras

¹ Mintga chombra nominescha in biro per sia direcziun e per ulteriuras fatschentas internas.

² Il biro da mintga chombra sa cumpona dal presidi da questa chombra e d'ulterius commembres designads tras ils reglaments da gestiun.

³ Ils dretgs e las obligaziuns che questa lescha attribuescha a las cumissiuns valan er per ils biros.

Art. 36 Reglaments da gestiun

Mintga chombra fixescha in reglament da gestiun cun las disposiziuns executivas davart sia organisaziun e davart sias proceduras.

Art. 37 Conferenza da coordinaziun

¹ Il biro dal Cussegli naziunal ed il biro dal Cussegli dals chantuns furman la Conferenza da coordinaziun.

² La Conferenza da coordinaziun ha las suandantas incumbensas:

- a.³⁴ ella fixescha, durant tge emnas dal chalender che las sessiuns ordinarias ed extraordinarias han lieu;
- b. ella procura per la correspundenza tranter las duas chombras sco er per la correspundenza tranter quellas ed il Cussegħ federal;
- c. ella po decretar directivas davart l'attribuziun dals medjs persunals e finanzials als organs da l'Assamblea federala;
- d. ella elegia il secretari general da l'Assamblea federala. L'elecziun sto vegnir confermada da l'Assamblea federala plenara;
- e. ella approvescha la furmazjuni da novas fracciuns tenor ils criteris da l'artikel 61.

³ Il Cussegħ federal po sa participar a las sesidas cun vusch consultativa.

⁴ Las decisiuns da la Conferenza da coordinaziun ston vegnir approvadas dals biros dal Cussegħ naziunal e dal Cussegħ dals chantuns. L'elecziun tenor l'alinea 2 litera d ha lieu cun la maioritad absoluta dals commembors ch'elegjan.

⁵ ...³⁵

Art. 38 Delegaziun administrativa

¹ La Delegaziun administrativa sa cumpona da mintgamai trais commembors dals biros da tuttas duas chombras ch'èn vegnids elegids da la Conferenza da coordinaziun. La Delegaziun administrativa designescha in da ses commembors sco delegà. Ella sa constitutescha sezza.

² La direcziun suprema da l'administraziun dal parlament è chaussa da la Delegaziun administrativa.

³ La Delegaziun administrativa decida cun la maioritad dals commembors votants.

3. chapitel Assamblea federala plenara

Art. 39 Biro da l'Assamblea federala plenara

¹ Il biro da l'Assamblea federala plenara sa cumpona dals presidis da las duas chombras.

² Presidià vegn il biro dal president dal Cussegħ naziunal u, sche quel è impedi, dal president dal Cussegħ dals chantuns.

³ Il biro prepara las sesidas da l'Assamblea federala plenara.

³⁴ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829).

³⁵ Aboli tras la cifra I da la LF dals 15 da zer. 2018, cun effect dapi ils 26 da nov. 2018 (AS 2018 3461; BBI 2017 6797 6865).

⁴ El po nominar cumissiuns da l'Assamblea federala plenara. Quellas sa cumpionan da dudesch commembors dal Cussegħ naziunal e da tschingħi commembors dal Cussegħ dals chantuns.

Art. 40 Cumissiun da grazia e da conflicts da cumpetenza

¹ La Cumissiun da grazia e da conflicts da cumpetenza predeliberaesch dumondas da grazia e decisiuns davart conflicts da cumpetenza tranter las autoritads federalas supremas.

² Sco ses president elegia ella alternantamain in commember dal Cussegħ naziunal u dal Cussegħ dals chantuns.

³ Ella transmetta las dumondas da grazia al Cussegħ federal per laschar suttametter in rapport ed ina proposta.

⁴ Ella po prender invista da la dumonda sco er da las actas d'inquisizjum, da dretgira e d'execuzjum.

Art. 40a³⁶ Cumissiun giudiziala

¹ La Cumissiun giudiziala è cumpetenta per preparar l'eleċzjuni e la decretada d'uffizi:

- a. da derschaders dals tribunals da la Confederaziun;
- b. da commembors da l'Autoritat da surveglianza da la Procura publica federala;
- c. dal procuratur public federal e dals suppleants dal procuratur public federal.³⁷

² Ella publitgescha plazzas libras da derschaders e plazzas dal procuratur public federal e dals suppleants dal procuratur public federal. Sche la lescha permetta pen-sums parzials, sto il grad d'occupazjoni vegin inditgà en la publicaziun.³⁸

³ La Cumissiun giudiziala suttametta a l'Assamblea federala plenara sias propostas electoralas e sias propostas da decretada d'uffizi.

⁴ Ella fixescha ils detagls da la relaziun da lavur dals derschaders sco er dal procuratur public federal e dals suppleants dal procuratur public federal.³⁹

⁵ Mintga fraczjoni ha il dretg d'almain in sez en la cumissiun.

³⁶ Integrà tras la cifra II da la LF dals 13 da dec. 2002, en vigur dapi il 1. d'avust 2003 (AS 2003 2119; BBI 2001 4202, 2002 1181).

³⁷ Versiun tenor la cifra II 2 da l'agiunta da la LF dals 19 da mars 2010 davart l'organisaziun da las autoritads penalas, en vigur dapi il 1. da schan. 2011 (AS 2010 3267; BBI 2008 8125).

³⁸ Versiun tenor la cifra II 2 da l'agiunta da la LF dals 19 da mars 2010 davart l'organisaziun da las autoritads penalas, en vigur dapi il 1. da schan. 2011 (AS 2010 3267; BBI 2008 8125).

³⁹ Versiun tenor la cifra II 2 da l'agiunta da la LF dals 19 da mars 2010 davart l'organisaziun da las autoritads penalas, en vigur dapi il 1. da schan. 2011 (AS 2010 3267; BBI 2008 8125).

⁶ Las Cumissiuns da gestiun e la Delegaziun da finanzas communitgeschan a la Cumissiun giudiziala constataziuns che mettan seriusamain en dumonda la qualificaziun professiunala u personala da derschaders, dal procuratur public federal u dals suppleants dal procuratur public federal.⁴⁰

Art. 41 Procedura en l'Assamblea federala plenara

¹ Tant enavant che questa lescha na dispona nagut auter, valan – tenor il senn – las disposiziuns dal reglament da gestiun er per la procedura en l'Assamblea federala plenara.

² Ils dumbravuschs ed ils dumbravuschs suppleants da las duas chombras erueschan ils resultats da las elecziuns e da las votaziuns.

³ Sch'il reglament da gestiun dal Cussegl naziunal n'è betg applitgabel, po l'Assamblea federala plenara decretar in agen reglament.

4. chapitel Cumissiuns

1. part Disposiziuns generalas

Art. 42 Cumissiuns permanentas e cumissiuns spezialas

¹ Mintga chombra nominescha da ses commembers per las cumissiuns permanentas previsas da la lescha e dal reglament da gestiun.

² En cas excepciuinals pon las chombras nominar cumissiuns spezialas.

Art. 43 Nominaziun da las cumissiuns

¹ Ils commembers da las cumissiuns sco er lur presidis (president e vicepresident) vegnan elegids dal biro respectiv.

² Ils presidis da cumissiuns cumpinaivlas da las duas chombras e da cumissiuns da l'Assamblea federala plenara vegnan elegids da la Conferenza da coordinaziun, nun che la lescha disponia insatge auter. Il president ed il vicepresident na dastgan betg appartegnair a la medema chombra.

^{2bis} La Conferenza da coordinaziun procura ch'ils presidents da las Cumissiuns da gestiun da las duas chombras n'appartegnian betg a la medema fracciun.⁴¹

³ La cumposiziun da las cumissiuns e l'attribuziun da lur presidis sa drizzan tenor la fermezza da las fracciuns en la chombra respectiva. Sche pussaivel vegnan las lin-guas uffizialas e las regiuns dal pajais resguardadas adequatamain.

⁴⁰ Versiun tenor la cifra II 2 da l'aggiunta da la LF dals 19 da mars 2010 davart l'organisaziun da las autoritads penalas, en vigur dapi il 1. da schan. 2011 (AS **2010** 3267; BBI **2008** 8125).

⁴¹ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829).

⁴ La durada da la perioda d'uffizi dals commembers da las cumissiuns permanentas è fixada en ils reglaments da gestiun.

Art. 44 Incumbensas

¹ En il rom da las cumpetenças che la lescha u ils reglaments da gestiun las han attribuidas han las cumissiuns las suandantas incumbensas:

- a. ellas predelibereschchan per mauns da la chombra las fatschentas ch'en vegnidás attribuidas ad ellas;
- b. ellas tractan e decidan davart las fatschentas che la lescha las ha attribuidas per la deliberazion definitiva;
- c. ellas persequiteschan ils svilups socials e politics en lur champs da cumpetença;
- d. ellas elavuran propostas entaifer lur champs da cumpetença;
- e.⁴² ellas procuran per la controlla da l'efficacitad en lur champs da cumpetença. Ellas suttamettan propostas correspondentes als organs cumpetents da l'Asamblea federala u surdattan incumbensas correspondentes al Cussegl federal;
- f. ellas resguardan ils resultats da controllas da l'efficacitad.

² Las cumissiuns rapportan a lur chombra davart las fatschentas ch'en vegnidás attribuidas ad ellas e suttamettan ina proposta.

Art. 45 Dretgs generals

¹ Per ademplir lur incumbensas pon las cumissiuns:

- a. inoltrar iniciativas parlamentaras, intervenziuns e propostas e preschentar raports;
- b. consultar experts externs;
- c. laschar vegnir a pled represchentants dals chantuns e da circuls interessads;
- d. far inspecziuns.

² Las cumissiuns pon nominar atgnas sutcumissiuns. Quellas suttamettan a la cumisiun raports e propostas. Pliras cumissiuns pon nominar sutcumissiuns cuminaivlas.

Art. 46 Procedura en las cumissiuns

¹ En las cumissiuns valan las reglas da procedura da lur chombra, nun che la lescha u il reglament da gestiun disponia insatge auter.

² Las decisiuns da cumissiuns cuminaivlas da las duas chombras ston vegnir approvadas da la maioritad dals commembers votants da mintga chombra, nun che la lescha disponia insatge auter.

⁴² Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

³ Per regla ston las persunas che lavuran tar la Confederaziun suttametter a las cumisiuns ils documents en scrit e las preschentaziuns visualas en duas linguis uffizialas. Als experts externs sco er als represchentants dals chantuns e da circuls interessads vegni fatg attent en las invitaziuns a las sesidas da las cumissiuns, ch'els duessan sche pussaivel tegnair quint da la plurilinguitad da la cumissiun.⁴³

Art. 47 Confidenzialitat

¹ Las tractativas da las cumissiuns èn confidenzialas; en spezial na vegni betg comunitgà, co ch'ils singuls participants han prendi posiziun u han votà.

² Las cumissiuns pon decider da far audiziuns publicas.

Art. 48 Infirmaziun da la populaziun

Las cumissiuns infurmeschan la populaziun davart ils resultats da lur tractativas.

Art. 49 Coordinaziun tranter las cumissiuns

¹ Las cumissiuns da mintga chombra coordineschan lur activitat tranter ellas sco er tranter las cumissiuns da l'autra chombra che tractan dumondas identicas u sumegiantas.

² Las cumissiuns pon procurar infirmaziuns u sclerir ina dumonda en sesidas cumi-naivlas ubain delegar questas incumbensas ad ina cumissiun.

³ Las Cumissiuns da gestiun e las Cumissiuns da finanzas pon predeliberar cuminavlamain il rapport da gestiun ed il quint.

⁴ En cas che fatschentas cumpigliant plirs secturs, pon las otras cumissiuns suttameter rapports a las cumissiuns predeliberantas.

⁵ ...⁴⁴

2. part Cumissiuns da finanzas

Art. 50 Incumbensas da las Cumissiuns da finanzas

¹ Las Cumissiuns da finanzas s'occupan da la gestiun da las finanzas da la Confederaziun; ellas predelibereschan la planisaziun finanziara, il preventiv e ses suplements sco er il quint statal. Ellas exequieschan la surveglianza suprema da tut las finanzas tenor l'artitgel 26 alinea 2, nun che la lescha disponia insatge auter.

⁴³ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829).

⁴⁴ Aboli tras la cifra I da la LF dals 3 d'oct. 2008, cun effect dapi ils 2 da mars 2009 (AS 2009 725; BBI 2008 1869 3177).

² Tar sbozs da decrets impurtants ord vista da la politica da finanzas pon ellas suttametter raports a las cumissiuns predeliberantas. Ellas pon vegnir consultadas en connex cun tals decrets per il cunrapport u per la predeliberaziun.⁴⁵

³ Las Cumissiuns da finanzas ston vegnir envidadas da preschentiar in cunrapport davart ils sbozs per credits d'impegn e per limitas d'expensas che na vegnan betg suttamess a lur predeliberaziun. Per defender lur propostas en las chombras valan per ellas ils medems dretgs sco per las cumissiuns predeliberantas.⁴⁶

Art. 51 Delegaziun da finanzas

¹ Las Cumissiuns da finanzas elegian tranter lur commembers mintgamai trais commembers e per mintga commember in substitut permanent en la Delegaziun da finanzas. La delegaziun sa constituescha sezza.⁴⁷

² La Delegaziun da finanzas examinescha e surveglia tut las finanzas da la Confederaziun.

³ Las relaziuns tranter la Delegaziun da finanzas e la Controlla federala da finanzas sa drizzan tenor ils artitgels 14, 15 e 18 da la Lescha federala dals 28 da zercladur 1967⁴⁸ davart la Controlla federala da finanzas.

⁴ La Delegaziun da finanzas suttametta a las Cumissiuns da finanzas in rapport ed ina proposta.

⁵ Ella po s'occupar d'ulterius objects da tractativa e communitgar sias constataziuns a las Cumissiuns da finanzas u ad autres cumissiuns.

⁶ Ella decida cun la maioritat dals commembers votants.

3. part Cumissiuns da gestiun

Art. 52 Incumbencias da las Cumissiuns da gestiun

¹ Las Cumissiuns da gestiun exequeschan la surveglianza suprema da la gestiun tenor l'artitgel 26 alineas 1, 3 e 4.

² Ellas exequeschan lur activitat da controlla principalmain tenor ils criteris da la legalitat, da l'opportunitat e da l'efficacitad.

⁴⁵ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

⁴⁶ Integrà tras la cifra 1 da l'agiunta da la LF dals 26 da sett. 2014 (nov model da gestiun per l'administraziun federala), en vigur dapi il 1. da fan. 2015 (AS 2015 1583; BBI 2014 767).

⁴⁷ Versiun tenor la cifra I 2 da la LF dals 17 da dec. 2010 davart il mantegniment da la democracia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (AS 2011 1381; BBI 2010 1563 2803).

⁴⁸ SR 614.0

Art. 53 Delegaziun da las Cumissiuns da gestiun

¹ Las Cumissiuns da gestiun elegian tranter lur commembers mintgamai trais commembers en la Delegaziun da las Cumissiuns da gestiun (DelCG). La delegaziun sa constituescha sezza.

² La delegaziun surveglia l'activitat en il sectur da la proteczion dal stadi e dals servetschs d'infurmazion e controllescha l'agir statal en secturs ch'en secrets, causa ch'i avess consequenzas gravantas per ils interess da la Svizra, sch'els veggan enconuschents a persunas betg autorisadas.⁴⁹

³ Ella surpiglia ulteriuras incumbensas spezialas che la veggan attribuidas d'ina Cumissiun da gestiun.

^{3bis} Il Cussegl federal infurmescha la delegaziun entaifer maximalmain 24 uras suenter avair prendi ina decisiu che ha l'intent da mantegnair ils interess da la Svizra u la segirezza interna u externa.⁵⁰

⁴ La delegaziun suttametta a las Cumissiuns da gestiun in rapport ed ina proposta.⁵¹

⁵ Ella decida cun la maioritad dals commembers votants.

4. part **Rapport a la chombra**⁵²**Art. 54**⁵³**Art. 55** ...⁵⁴

Ina giada ad onn rapportan las Cumissiuns da finanzas e las Cumissiuns da gestiun a lur chombra davart ils resultats principals da lur lavur.

⁴⁹ Versiun tenor la cifra I da la LF dals 17 da zer. 2011 (precisaziun dals dretgs da survegnir infurmaziuns da las cumissiuns da surveglianza), en vigur dapi il 1. da nov. 2011 (AS 2011 4537; BBI 2011 1817 1839).

⁵⁰ Integrà tras la cifra I 2 da la LF dals 17 da dec. 2010 davart il mantegniment da la democracia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (AS 2011 1381; BBI 2010 1563 2803).

⁵¹ Versiun tenor la cifra I 2 da la LF dals 17 da dec. 2010 davart il mantegniment da la democracia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (AS 2011 1381; BBI 2010 1563 2803).

⁵² Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

⁵³ Aboli tras la cifra I da la LF dals 3 d'oct. 2008, cun effect dapi ils 2 da mars 2009 (AS 2009 725; BBI 2008 1869 3177).

⁵⁴ Aboli tras la cifra I da la LF dals 3 d'oct. 2008, cun effect dapi ils 2 da mars 2009 (AS 2009 725; BBI 2008 1869 3177).

5. part Cumissiun da redacziun

Art. 56 Cumposizion ed organisaziun

¹ La Cumissiun da redacziun è ina cumissiun cumpaiva da las duas chombras.

² Ella sa cumpiona da traís sutecumissiuns – ina per mintga lingua uffiziala da la Confederaziun.

³ La cumissiun sa constituescha sezza.

⁴ Ella decida cun la maioritat dals commembres votants.

Art. 57 Incumbensas e procedura

¹ La Cumissiun da redacziun verifitgescha ils texts dals decrets e fixescha la versiun definitiva per la votaziun finala.

^{1bis} Ella è ultra da quai responsabla per rectificaziuns redacziunalas en decrets che n'èn betg suttamess a la votaziun finala.⁵⁵

² Ella procura ch'ils texts sajan formulads en moda chapaivla e concisa. Ella controllescha ch'ils texts exprimian la voluntad da l'Assamblea federala e guarda che las versiuns da las traís linguas uffizialas correspundian ina a l'autra.

³ La Cumissiun da redacziun na dastga far naginas midadas materialas. Sch'ella constatescha largias materialas, intschertezzas u cuntradicziuns, infurmescha ella ils presidents da las chombras.

Art. 58 Rectificaziuns suenter la votaziun finala

¹ Sch'i vegnan constatads sbagls formals u formulaziuns che n'expriman betg il resultat da las tractativas parlamentaras en in decret suenter la votaziun finala, ordinescha la Cumissiun da redacziun las rectificaziuns necessarias fin a la publicaziun en la Collecziun uffiziala da las leschas federalas. Questas correcturas ston vegnir inditgadas.

² Suenter la publicaziun d'in decret en la Collecziun uffiziala da las leschas federalas po la Cumissiun da redacziun ordinar la rectificaziun da sbagls evidents e midadas da natira legislativa tecnica. Questas correcturas ston vegnir inditgadas.

³ Rectificaziuns impurtantas vegnan communityadas als commembres da l'Assamblea federala.

Art. 59 Disposiziuns executivas

In'ordinaziun da l'Assamblea federala regla ils detagls da la cumposizion e da las incumbensas da la Cumissiun da redacziun sco er da la procedura da verificaziun

⁵⁵ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBl 2017 6797 6865).

dals sbozs da decrets avant la votaziun finala e da la rectificaziun da decrets suenter la votaziun finala e suenter la publicaziun.

6. part

Delegaziuns ad assambleas internaziunalas e delegaziuns per las relaziuns cun auters stadis

Art. 60

In'ordinaziun da l'Assamblea federala regla l'organisazion, las incumbensas e la procedura da delegaziuns che represchentan l'Assamblea federala en radunanzas parlamentaras internaziunalas u en las relaziuns bilaterales cun parlaments d'auters stadis.

5. chapitel Fracziuns

Art. 61 Constituziun

- 1 Las fracziuns sa cumponan dals parlamentaris da la medema partida.
- 2 Parlamentaris senza partida e commembers da differentas partidas pon furmar ina fraciun, sch'els han ina direcziun politica sumeglianta.
- 3 Ina fraciun po vegnir furmada, sche almain tschintg commembers d'ina da las duas chombras sa participeschan a quella.
- 4 Las fracziuns annunzian al secretari general da l'Assamblea federala lur constituziun, ils commembers, la suprastanza ed il secretari.

Art. 62 Incumbensas e dretgs

- 1 Las fracziuns predelibereschan las fatschentas da las chombras.
- 2 Ellas han il dretg d'inoltrar iniziativas parlamentaras, intervenziuns e propostas e da proponer candidats per las elecziuns.
- 3 Ils reglaments da gestiun pon prevair ulteriurs dretgs per las fracziuns.
- 4 Las fracziuns pon installar secretariats. Quels survegnan ils medems documents sco ils parlamentaris ed èn su ttamess al secret d'uffizi tenor l'artigel 8.
- 5 Las fracziuns survegnan ina contribuziun per cuvrir ils custs da lur secretariats. Ils detagls vegnan reglads en la Lescha dals 18 da mars 1988⁵⁶ davart las resursas dal parlament.

⁵⁶ SR 171.21

6. chapitel Gruppas parlamentaras

Art. 63

¹ Ils parlamentaris che s'interessan per in tschert sectur pon s'unir a gruppas parlamentaras. Las gruppas ston esser avertas a tut ils parlamentaris.

² Las gruppas annunzian lur constituziun e lur commembres als Servetschs dal parlament. Quels mainan in register public da las gruppas parlamentaras.

³ Las gruppas parlamentaras survegnan sche pussaivel sustegn administrativ per lur lavur e stanzas da sesidas.

⁴ Ellas na pon betg sa preschentar en num da l'Assamblea federala.

7. chapitel Administraziun dal parlament

Art. 64 Incumbensas dals Servetschs dal parlament

¹ Ils Servetschs dal parlament sustegnan l'Assamblea federala per ch'ella possia ademplir sias incumbensas.

² Els:

- a. planiseschan ed organiseschan las sessiuns e las sesidas da las cumissiuns;
- b. liquideschan las lavurs da secretariat, las translaziums e la protocollaziun da las decisiuns e da las tractativas da las chombras, da l'Assamblea federala plenara e da las cumissiuns;
- c. mainan ina documentaziun e porschan servetschs en il sectur da la documentaziun e da las tecnologias d'infurmaziun;

^{c_{bis}}⁵⁷ mainan sistems d'infurmaziun ch'èn destinads a l'evaluaziun da datas per ademplir las incumbensas da l'Assamblea federala, da lur organs e dals parlamentaris; questa elavuraziun da datas po cumpigliar er datas persunalas spezialmain sensiblas; in'ordinaziun da l'Assamblea federala fixescha las funtaunas duvradas per quest intent e regla las autorisaziuns d'access sco er la communicaziun da questas datas;

- d. cusseglian ils parlamentaris, en spezial ils presidis da las chombras e da las cumissiuns, en dumondas materialas e da procedura;
- e. infurmeschan la populaziun davart l'Assamblea federala e davart sias activitads;
- f. sustegnan l'Assamblea federala en la tgira da sias relaziuns internaziunalas;

⁵⁷ Integrà tras la cifra I da la LF dals 16 da mars 2018 (purschidas modernas d'infurmaziun e da documentaziun dal parlament), en vigur dapi ils 26 da nov. 2018 (AS 2018 3547; BBI 2017 6877 6889).

g. liquideschan tut las ulteriuras incumbensas da l'administraziun dal parlament, cun resalva da las cumpetenzas d'organs da las chombras.

Art. 65 Direcziun dals Servetschs dal parlament

¹ Ils Servetschs dal parlament èn suttamess a la surveglianza da la Delegaziun administrativa.

² Il secretari general da l'Assamblea federala maina ils Servetschs dal parlament.

³ Sch'ils posts dals Servetschs dal parlament lavuran per organs da l'Assamblea federala, fan els quai tenor las directivas da quels organs.

Art. 66 Engaschament dal personal dals Servetschs dal parlament

Tras in'ordinaziun da l'Assamblea federala vegnan ils organs da l'Assamblea federala sco er il secretari general da l'Assamblea federala autorisads d'engaschar il personal dals Servetschs dal parlament.

Art. 67 Dretgs d'infurmazion

Ils posts dals Servetschs dal parlament han ils medems dretgs d'infurmazion sco ils organs da l'Assamblea federala, per ils quals els lavuran.

Art. 68 Consultaziun da l'administraziun federala

¹ Ils organs da l'Assamblea federala e – per lur incumbensa – ils Servetschs dal parlament pon consultar posts da servetsch da l'administraziun federala per ademplir lur incumbensas.

² La consultaziun ha lieu en accord cun il departament cumpetent u cun la Chanzlia federala.

³ En cas da differenzas decida la Delegaziun administrativa suenter avair tadlà l'avis da Cussegl federal.

Art. 69 Dretg da disponer da las localitads ed access a la Chasa federala

¹ Il dretg da disponer da las salas da las chombras vegn exequì dals presidents da las chombras; il dretg da disponer da las ulteriuras localitads da l'Assamblea federala e dals Servetschs dal parlament vegn exequì da la Delegaziun administrativa.

² Mintga parlamentari po laschar emetter ina carta d'access per mintgamai duas persunas che giavischon – per ina tscherta durada – access a las parts betg publicas da la Chasa federala. Questas personas e lur funcziuns ston vegnir inscrittas en in register accessible publicamain.

Art. 70 Disposiziuns executivas

¹ L'Assamblea federala decretescha las disposiziuns executivas legislativas davart l'administraziun dal parlament en furma d'ordinaziuns da l'Assamblea federala.

² Las disposiziuns executivas legislativas ch'èn vegnidas decretadas dal Cussegl federal u da posts da servetsch subordinads a quel e che valan per l'administraziun federala, vegnan applitgadas er en il sectur da l'administraziun dal parlament, nun ch'ina ordinaziun da l'Assamblea federala disponia insatge auter.

³ Las cumpetenzas che talas disposiziuns executivas attribueschan al Cussegl federal u a posts da servetsch subordinads a quel, vegnan exequidas da la Delegaziun administrativa ubain dal secretari general da l'Assamblea federala.

5. titel Procedura en l'Assamblea federala

1. chapitel Disposiziuns generalas da procedura

Art. 71 Objects da tractativa

Objects da tractativa da l'Assamblea federala èn en spezial:

- a. sbozs da sias cumissiuns u dal Cussegl federal per decrets da l'Assamblea federala;
- b. iniziativas ed intervenziuns parlamentaras inoltradas da ses commembers, da sias fracciuns e da sias cumissiuns sco er iniziativas dals chantuns;
- c. raports da sias cumissiuns u dal Cussegl federal;
- d. propostas per elecziuns e per confermar elecziuns;
- e. dumondas da ses commembers, da sias fracciuns, da sias cumissiuns u dal Cussegl federal davart la procedura;
- f. declaraziuns da las chombras u dal Cussegl federal;
- g. petiziuns ed instanzas;
- h. recurs, dumondas e protestas.

Art. 72 Inoltraziun d'objects da tractativa

¹ Objects da tractativa ch'èn vegnids inoltrads da parlamentaris u d'organs da las chombras èn pendents en la chombra a partir dal mument ch'els vegnan inoltrads al secretariat da la chombra.

² Iniziativas dal pievel e dumondas dals chantuns per approvar lur constituziuns èn pendentes en las chombras a partir dal mument ch'ellas vegnan inoltradas a la Chanzlia federala.

³ Ils ulteriurs objects da tractativa èn pendents en tuttas duas chombras a partir dal mument ch'els vegnan inoltrads a l'Assamblea federala.

Art. 73 Retratga d'objects da tractativa

¹ Objects da tractativa pon vegnir retratgs da lur auturs fin ch'ina chombra ha prendi in emprim conclus davart l'object respectiv.

² Ina iniziativa parlamentara u ina iniziativa dals chantuns na po betg pli vegnir retratga, sche la cumissiun predeliberanta l'ha gia acceptada.

³ Objects da tractativa ch'en vegnids inoltrads dal Cussegħi federal na po quel betg retrair.

Art. 74 Procedura en cas da sbozs per decrets

¹ Mintga chombra tracta l'emprim in sboz per in decret e decida, sch'ella vul entrar en materia (debatta d'entrar en materia).

² Sch'ella decida d'entrar en materia, tracta ella lura artitgel per artitgel il sboz per il decret (tractativa detagliada).

³ I sto vegnir entrà en materia obligatoricamain tar iniziativas dal pievel, preventivs, rapports da gestiun, quints, protestas cunter contracts dals chantuns tranter els u cun l'exterior, per l'approvaziun da constituziuns chantunalas, tar la planisaziun da la legislatura sco er tar il plan da finanzas.⁵⁸

⁴ Suenter che l'emprima tractativa detagliada è terminada ha lieu en la chombra ina votaziun generala. Sch'igl è obligatorio d'entrar en materia, n'ha lieu nagina votaziun generala, auter ch'en cas da preventivs u da quints.

⁵ Sche la chombra refusa il sboz per in decret en la votaziun generala, corrisponda quai ad ina decisiju da betg entrar en materia. Sche la chombra refusa preventivs u quints en la votaziun generala, decida ella da refusar e da renviar quels al Cussegħi federal.

⁶ Sch'igl è vegni decidì d'entrar en in sboz per in decret, po quel vegnir stritgà sin proposta da la cumissiun predeliberanta u dal Cussegħi federal, en cas ch'el è daventà obsolet.⁵⁹

Art. 75 Refusaziun

¹ Ina chombra po refusar per mauns dal Cussegħi federal u da la cumissiun predeliberanta in sboz per in decret, en il qual ella è entrada, u in auter object da tractativa, cun l'incumbensa d'examinaziun u da far midadas.

² Singulas parts u disposiziuns po ella er refusar pli tard en la tractativa.

³ Propostas da refusaziun ston declarar, tge che duai vegnir examinà, midà u cumplettà.

⁵⁸ Versiun tenor la cifra 1 da l'agiunta da la LF dals 26 da sett. 2014 (nov model da gestiun per l'administraziun federala), en vigur dapi il 1. da schan. 2016 (AS 2015 1583; BBI 2014 767).

⁵⁹ Integrà tras la cifra 1 da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi il 25 da nov. 2013 (AS 2013 3687; BBI 2011 6793 6829).

Art. 76 Propostas

¹ Mintga parlamentari po inoltrar a la chombra ed a la cumissiun predeliberanta propostas concernent in object da tractativa pendent. El po dumandar la cumissiun cumpetenta d'inoltrar ina iniziativa parlamentara u ina intervenziun da la cumissiun.

^{1bis} In sboz per in decret po mo vegnir inoltrà en furma d'ina proposta, sche:

- a. in sboz per in decret pendent duai vegnir dividì en plirs sbozs;
- b. ina cuntraproposta davart la medema dumonda constituziunala duai vegnir opponida ad ina iniziativa dal pievel (art. 101).⁶⁰

² Propostas che pertutgan la procedura (propostas davart l'urden) ston per regla vegnir tractadas immediatamain.

³ Cun ina proposta davart l'urden poi vegnir pretendi da revegnir ad in conclus, uschè ditg ch'ina chombra n'ha betg terminà sia deliberaziun davart in object da tractativa.⁶¹

^{3bis} Ina proposta davart l'urden che pretendà da revegnir a la decisiun d'entrar en materia, è inadmissibla.⁶²

^{3ter} Ina proposta davart l'urden che pretendà da repeter ina votaziun, cun la quala la chombra ha terminà sia deliberaziun d'in object da tractativa, dastga vegnir inoltrada mo directamain suenter la votaziun.⁶³

⁴ Propostas ch'en vegnidas refusadas d'ina maioritad da la cumissiun pon vegnir inoltradas sco propostas da minoritad.

Art. 77 Clausula d'urgenza

¹ En cas d'in sboz per ina lescha federala che duai vegnir declerada sco urgenta na suttastat la clausula d'urgenza betg a la votaziun generala.

² Davart la clausula d'urgenza vegni decidì pir suenter l'eliminaziun da las differenzas.

³ Sche la clausula d'urgenza vegn refusada, rectifitgescha la Cumissiun da redacziun il text da las disposiziuns davart il referendum e davart l'entrada en vigur, suenter avair consultà ils presidents da las cumissiuns predeliberantas.⁶⁴

⁶⁰ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829).

⁶¹ Versiun tenor la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

⁶² Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

⁶³ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

⁶⁴ Versiun tenor la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

Art. 78 Procedura da votaziun

¹ Sin dumonda sto vegnir votà separadament davart dumondas da votaziun divisiblas.

² Sch'i dat tar in object da votaziun duas propostas che sa refereschan a la medema part dal text u ch'excludan ina l'autra, ston quellas vegnir opponidas ina a l'autra en la votaziun.

³ Sch'i n'è betg pussaivel d'opponer las propostas ina a l'autra en la votaziun, stoi vegnir votà davart mintga proposta en ina votaziun separada.

⁴ Davart propostas incontestadas na vegni betg votà.

⁵ Las vuschs ston adina vegnir dumbradas en cas da:

- a. votaziuns generalas;
- b. votaziuns davart ina proposta da reconciliaziun;
- c. votaziuns davart disposiziuns che dovràn il consentiment da la maioritat dals commembres da mintgina da las duas chombras (art. 159 al. 3 Cst.);
- d. votaziuns finalas.⁶⁵

Art. 79 Votaziun eventuala

¹ Sch'i dat tar il medem object da votaziun dapli che duas propostas, ston quellas vegnir opponidas successivament ina a l'autra en votaziuns eventualas, fin ch'i restan duas propostas per ina votaziun.

² La successiun da votar davart las propostas sto vegnir concepida uschia, ch'ins cumentza cun las propostas che divergeschan il pli pauc areguard il cuntegn e cuntnuescha pass per pass fin a quellas che divergeschan il pli fitg.

³ Sch'ins na po betg fixar ina successiun clera tenor ils criteris da l'alinea 2, vegnan opponidas ina a l'autra en votaziuns eventualas l'emprim las propostas dals parlamentaris, alura las propostas da las minoritads da la cumissiun e la finala la proposta dal Cussegl federal. Il resultat da l'ultima votaziun vegn opponì a la proposta da la maioritat da la cumissiun.

⁴ L'urden da votaziun na po betg vegnir midà tras ina proposta eventuala.⁶⁶

Art. 80 Vusch dal president

¹ Il president da la chombra na votescha betg. En cas da paridad da las vuschs ha el la decisiun da tagl.

⁶⁵ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

⁶⁶ Integrà tras la cifra I da la LF dals 21 da zer. 2013 (meglieraziuns da l'organisazion e da las proceduras del parlament), en vigur dapi ils 25 da nov. 2013 (AS 2013 3687; BBI 2011 6793 6829).

² Sch'i dovrà il consentiment da la maioritad dals commembres da mintga chombra, votescha er il president.

Art. 81 Votaziun finala

¹ Ina votaziun finala ha lieu davart:

- a. leschas federalas;
- b. ordinaziuns da l'Assamblea federala;
- c. conclus federrals che suttastattan al referendum obligatoric u facultativ.⁶⁷

^{1bis} La votaziun finala ha lieu, uschespert che las chombras han prendì conclus concordants davart il sboz per in decret ed approvà il text rectifitgà da la Cumissiun da redacziun. La votaziun finala en las duas chombras ha lieu il medem di.⁶⁸

² Sche tuttas duas chombras approveschan il sboz per in decret, è il decret da l'Assamblea federala valaivel.

³ Sch'ina chombra refusa u sche tuttas duas chombras refusan il sboz per in decret, n'è il decret betg valaivel.

Art. 82 Publicaziun dal cumporment da votaziun

Ils reglaments da las duas chombras reglan en tge cas ch'il resultat da la votaziun vegn publitgà en furma d'ina glista da numbs.

2. chapitel Procedura tranter las chombras

1. part Cooperaziun da las chombras

Art. 83 Conclus concordants da las chombras

¹ Per conclus da l'Assamblea federala dovrà la concordanza da tuttas duas chombras.

² Nagin conclus concordant na dovrà per petiziuns e per rapports che vegnan suttamess per enconuschientscha.

Art. 84 Determinaziun da la chombra prioritara

¹ Ils objects da tractativa che ston vegnir tractads separadamain da tuttas duas chombras vegnan attribuids ad ina da las chombras per l'emprima tractativa (chombra prioritara).

² Ils presidents da las chombras sa cunvegnan davart l'attribuziun. Sch'i na dat nagina cunvegnentscha, decida la sort.

⁶⁷ Versiun tenor la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

⁶⁸ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

Art. 85 Successiun temporala dal tractament en las chombras

- ¹ Sbozs per midar la Constituziun federala e per leschas federalas betg urgentas na vegnan per regla betg tractads per l'emprima giada da tuttas duas chombras en la medema sessiun.
- ² Sin dumonda dal Cussegl federal u da la cumissiun po la Conferenza da coordi-naziun decider ch'in object da tractativa tenor l'alinea 1 vegn tractà l'emprima giada excepcionalmain en tuttas duas chombras en la medema sessiun.

Art. 86 Transmissiun dals objects da tractativa a l'autra chombra

- ¹ Objects da tractativa che ston vegnir tractads da tuttas duas chombras vegnan transmess a l'autra chombra, sche la chombra prioritara ha prendi ina decisiun.
- ² La chombra prioritara dastga reprender la tractativa pir, cura che l'autra chombra ha prendi ina decisiun.
- ³ Sch'i vegnan suttamess a l'Assamblea federala en ina missiva u en in rapport sbozs per plirs decrets, pon quels vegnir transmess a l'autra chombra in suenter l'auter suenter la votaziun generala respectiva.
- ⁴ In conclus federal davart ina cuntraproposta tar ina iniziativa dal pievel sto vegnir transmess a l'autra chombra ensemen cun il conclus federal davart l'iniziativa dal pievel correspundenta.⁶⁹

Art. 87 Refusazion e suspensiun da la procedura

- ¹ Sch'ina chombra refusa in object da tractativa cumplettamain per mauns dal Cussegl federal, vegn il conclus da refusaziun transmess a l'autra chombra.
- ² Sche l'autra chombra n'accepta betg il conclus da refusaziun, vegn effectuada la refusaziun, sche la chombra prioritara insista sin il conclus.
- ³ La medema procedura vala er, sch'ina chombra conculda da suspender da tractar in object da tractativa per probablamain passa 1 onn (suspensiun).

Art. 88 Divisiun da la tractativa d'in sboz per in decret

- ¹ Excepziunalmain po in sboz per in decret voluminus vegnir dividì tras in conclus concordant da tuttas duas chombras e transmess en parts a l'autra chombra gia avant la votaziun generala.
- ² Ils parlamentaris pon far propostas da revegnir a disposiziuns da l'entir sboz da decret fin a la votaziun generala.
- ³ Sch'ils conclus da las duas chombras divergeschan in da l'auter areguard la divisiun dal sboz da decret e sche la chombra che ha refusà la divisiun conferma ses

⁶⁹ Integrà tras la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

conclus, vegn il project transmess a l'autra chombra pir suenter che la votaziun generala ha gi lieu.

2. part Differenzas tranter las chombras

Art. 89 Procedura en cas da differenzas

¹ Sch'igl existan differenzas tranter las chombras suenter la tractativa dal sboz per in decret, vegnan ils conclus divergents d'ina chombra transmess per la tractativa a l'autra chombra, fin che las chombras sa cunvegnan.

² Suenter l'emprima tractativa en mintga chombra sa restrenscha l'ulteriura tractativa exclusivamain a las dumondas divergentas.

³ Ina chombra po mo revegnir ad autres dumondas, sche quai è necessari pervia da novs conclus u sche las cumissiuns predeliberantas da las duas chombras fan ensemen ina proposta da revegnir.

Art. 90⁷⁰ Strigada d'in sboz per in decret

Sin proposta identica da lur cumissiuns predeliberantas pon las duas chombras striggar in sboz per in decret durant l'eliminaziun da las differenzas u suenter la terminaziun da quella.

Art. 91 Nominaziun d'ina conferenza da conciliaziun

¹ Sch'i existan suenter traes tractativas detagliadas en mintga chombra anc adina differenzas, vegn nominada ina conferenza da conciliaziun. Quella sto tschertgar in cumpromiss.

² Las cumissiuns predeliberantas delegheschan mintgamai 13 commembers a la conferenza da conciliaziun. Sche la cumissiun predeliberanta d'ina chombra dumba main che 13 commembers, sto ella vegnir complettada a quest dumber. La cumpozizion da las delegaziuns da mintga cumissiun sa drizza tenor l'artitgel 43 alinea 3.

³ Il president da la cumissiun da la chombra prioritara presidiescha la conferenza. La substituziun dal president e dals commembers da la conferenza da conciliaziun sa drizza tenor las disposiziuns correspondantas cuntegnidas en ils reglaments da gestiun.⁷¹

⁷⁰ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BB1 2011 6793 6829).

⁷¹ Integrà la seconda frasa tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BB1 2011 6793 6829).

Art. 92 Procedura da decisiun en la conferenza da conciliaziun

¹ La conferenza da conciliaziun è abla da decider, sche la maioritad dals commembres da mintga delegazion è preschenta. L'abilitad da decider sto vegnir constatada explicitamain.

² La conferenza da conciliaziun decida cun la maioritad da ses commembres votants. Il president sa participescha a la votaziun. En cas da paritat da las vuschs prenda el la decisiun da tagl.

³ La conferenza da conciliaziun fa ina proposta da conciliaziun che eliminescha tut las differenzas restadas en ina giada.

Art. 93 Tractament da la proposta da conciliaziun en las chombras

¹ L'emprim vegn la proposta da conciliaziun examinada da la chombra prioritara. Sche quella approvescha cumplainamain la proposta da conciliaziun, vegn la proposta transmessa a l'autra chombra.

² Sch'ina da las chombras refusa la proposta da conciliaziun, vegn stritgà il sboz per in decret.

Art. 94 Eliminaziun da differenzas en connex cun il preventiv e cun credits posterius

Sch'ina proposta da conciliaziun per il conclus federal davart il preventiv da la Confederaziun u davart in supplement vegn refusada, vala il conclus da la terza tractativa che prevesa l'import pli bass sco approvà.

Art. 94^a⁷² Eliminaziun da differenzas en connex cun la planisaziun da la legislatura e cun il plan da finanzas⁷³

¹ En cas dal conclus federal davart la planisaziun da la legislatura vegn nominada la conferenza da conciliaziun, sch'i dat divergenzas suenter l'emprima tractativa en las chombras.

² En cas da conclus federal davart la planisaziun da la legislatura e davart il plan da finanzas fa la conferenza da conciliaziun ina proposta da conciliaziun tar mintga differenza. Davart mintga proposta vegni votà separadamain.⁷⁴

³ Sch'ina proposta vegn refusada, vegn la disposiziun respectiva stritgada.

⁷² Integrà tenor la cifra I da la LF dals 22 da zer. 2007 (planisaziun da la legislatura), en vigur dapi il 1. da dec. 2007 (AS 2007 5231; BBI 2006 1837 1857).

⁷³ Versiun tenor la cifra 1 da l'agiunta da la LF dals 26 da sett. 2014 (nov model da gestiun per l'administraziun federala), en vigur dapi il 1. da schan. 2016 (AS 2015 1583; BBI 2014 767).

⁷⁴ Versiun tenor la cifra 1 da l'agiunta da la LF dals 26 da sett. 2014 (nov model da gestiun per l'administraziun federala), en vigur dapi il 1. da schan. 2016 (AS 2015 1583; BBI 2014 767).

Art. 95 Eliminaziun da differenzas en cas spezials

Sche las divergencias tranter ils conclus da las duas chombras sa refereschan a l'object da tractativa sco unitad, è la seguda refusa d'ina chombra definitiva. Quai vala cunzunt per:

- a. entrar en in sboz per in decret;
- b. acceptar in sboz per in decret en ina votaziun generala;
- c. approvar in contract internaziunal;
- d. approvar ina constituzion chantunala;
- e. prender posiziun tar ina iniziativa dal pievel en furma d'ina proposta generala;
- f. la clausula d'urgenza;
- g.⁷⁵ decider, sch'ina iniziativa dals chantuns duai vegnir acceptada;
- h. approvar ordinaziuns dal Cussegl federal;
- i.⁷⁶ ...
- j. mantegnair in object da tractativa che vegn proponi da stritgar.

3. chapitel Procedura tar iniziativas dal pievel**1. part****Iniziativa dal pievel per ina revisiun totala da la Constituzion federala****Art. 96**

Sch'ina iniziativa dal pievel declarada sco valaivla pretenda ina revisiun totala da la Constituzion federala, suttametta l'Assamblea federala l'iniziativa a la votaziun dal pievel.

2. part**Iniziativa dal pievel per ina revisiun parziale da la Constituzion federala****a. Disposiziuns cuminaivlas****Art. 97** Missiva e sboz dal conclus dal Cussegl federal

¹ Il Cussegl federal suttametta a l'Assamblea federala:

⁷⁵ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

⁷⁶ Aboli tras la cifra I da la LF dals 17 da zer. 2011 (dumondas d'abolir l'immunitat), cun effect dapi ils 5 da dec. 2011 (AS 2011 4627; BBI 2010 7345 7385).

- a. il pli tard 1 onn suenter l'itoltraziun da l'iniziativa dal pievel valaivla ina missiva ed in sboz per in conclus federal uschia che l'Assamblea po prender posiziun;
 - b. il pli tard 1 onn suenter ch'il pievel u l'Assamblea federala ha approvà ina iniziativa en furma d'ina proposta generala ina missiva ed in sboz per in conclus federal davart ina revisiun parziala da la Constituziun federala.
- 2 Sch'il Cussegl federal concluda d'elavur il sboz per in conclus federal concernent ina cuntraproposta u il sboz per in decret ch'è collià stretgamain cun l'iniziativa dal pievel, vegn il termin prolungà a 18 mais.⁷⁷
- 3 Sch'il Cussegl federal na puttametta betg a l'Assamblea federala entaifer il termin previs sia missiva cun il sboz per in conclus federal, po ina cumissiun cumpetenta elavur il sboz necessari per in decret.⁷⁸

Art. 98 Valaivladad d'iniziativas dal pievel

- 1 L'Assamblea federala declera sco per part u dal tuttafatg nunvalaivla ina iniziativa dal pievel, sch'ella constatescha che las pretensiuns da l'artitgel 139 alinea 3 da la Constituziun federala n'èn betg ademplidas.
- 2 Sche las decisiuns da las duas chombras divergeschan areguard la valaivladad d'ina iniziativa dal pievel u da parts da quella e sche la chombra che ha affirmà la valaivladad da l'iniziativa conferma sia decisiun, èn l'iniziativa dal pievel respectivamain las parts disputaivlas valaivlas.
- 3 Sche la proposta da reconciliaziun concernent la recumandaziun per la votaziun vegn refusada, vegn strigada – en divergenza da l'artitgel 93 alinea 2 – mo la disposiziun respectiva.⁷⁹

Art. 99 Scumond da midar il text d'ina iniziativa dal pievel

- 1 Il text da tut las parts valaivlas d'ina iniziativa dal pievel sto vegnir puttamess a la votaziun dal pievel en sia formulaziun originala.
- 2 Resalvada resta la cumpetenza da la Cumissiun da redacziun da rectifitgar sbagls da translaziun evidents e da far las adattaziuns formalas necessarias per pudair integrar la midada constituziunala proponida en la Constituziun. La cumissiun dat al comité d'iniziativa la pussaivladad da prender posiziun.⁸⁰

⁷⁷ Versiun tenor la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

⁷⁸ Versiun tenor la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

⁷⁹ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

⁸⁰ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

b. Iniziativa dal pievel en furma d'in sboz elavurà

Art. 100 Recumandaziun per la votaziun

Entaifer 30 mais suenter ch'ina iniziativa dal pievel è vegnida inoltrada en furma d'in sboz elavurà decida l'Assamblea federala, sch'ella recumonda al pievel ed als chantuns d'acceptar u da refusar l'iniziativa.

Art. 101⁸¹ Cuntraproposta

¹ Ensemen cun l'iniziativa dal pievel po l'Assamblea federala suttametter a la votaziun dal pievel e dals chantuns ina cuntraproposta davart la medema dumonda constituziunala.

² Il conclus federal davart la cuntraproposta da l'Assamblea federala vegn tractà en tuttas duas chombras avant che quellas decidan davart la recumandaziun per la votaziun che duai figurar en il conclus federal davart l'iniziativa dal pievel.

³ La votaziun finala davart il conclus federal concernent la cuntraproposta ha lieu il pli tard 8 dis avant la finiziun da quella sessiun che ha lieu avant ch'il termin per tractar l'iniziativa dal pievel scada. Sch'ina chombra refusa quest conclus federal en la votaziun finala, propona la conferenza da conciliaziun la recumandaziun per la votaziun che duai figurar en il conclus federal davart l'iniziativa dal pievel. Ina cuntraproposta n'è betg pli admesa.

Art. 102⁸² Decisiun davart la recumandaziun per la votaziun e la cuntraproposta

¹ Sche l'Assamblea federala suttametta a la votaziun dal pievel e dals chantuns ultra da l'iniziativa dal pievel ina cuntraproposta, po ella:

- a. recumandar da refusar l'iniziativa dal pievel e d'acceptar la cuntraproposta; u
- b. recumandar d'acceptar tuts dus projects.

² Sch'ella recumonda d'acceptar tuts dus projects, recumonda ella en la dumonda decisiva al pievel d'acceptar la cuntraproposta.

c. Iniziativa en furma d'ina proposta generala

Art. 103 Posiziun e votaziun dal pievel

¹ Entaifer 2 onns suenter ch'ina iniziativa dal pievel è vegnida inoltrada en furma d'ina proposta generala decida l'Assamblea federala, sch'ella accepta l'iniziativa.

⁸¹ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

⁸² Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

2 Sche l'Assamblea federala refusa l'iniziativa dal pievel, suttametta ella quella a la votaziun dal pievel.

Art. 104 Elavurazion d'ina midada constituziunala tras l'Assamblea federala

1 Sche l'Assamblea federala va d'accord cun l'iniziativa dal pievel u sch'il pievel accepta quella, elavura l'Assamblea federala entaifer 2 onns ina revisiun parziale da la Constituziun federala.

2 L'Assamblea federala resguarda tar l'elavurazion il cuntegn e las finamiras da l'iniziativa dal pievel.

3 Sche las duas chombras na pon betg sa cunvegnir areguard il sboz tar l'elavurazion da la revisiun parziale u sch'ina da las duas chombras refusa il sboz, ston vegnir suttamess a la votaziun dal pievel e dals chantuns sco variantas ils conclus da las chombras ch'èn resultads en l'ultima tractativa.

d. Prolungaziun e scadenza da termins

Art. 105 Prolungaziun dal termin

1 Sch'ina chombra decida davart ina cuntraproposta u davart il sboz per in decret ch'è collià stretgamain cun l'iniziativa dal pievel, po l'Assamblea federala prolungar il termin da tractament per 1 onn.

1bis ...⁸³

2 Sche las decisiuns da las duas chombras davart la prolungaziun dal termin na correspundan betg ina a l'autra, na vegn il termin betg prolungà.

Art. 106 Scadenza dal termin

Sch'i na dat betg in conclus concordant da las duas chombras entaifer il termin legal, ordinescha il Cussegl federal la votaziun dal pievel.

⁸³ Integrà tras la cifra II da la LF dals 25 da sett. 2009 (retratga cundizionada d'ina iniziativa dal pievel) (AS **2010** 271; BBI **2009** 3591 3609). Aboli tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), cun effect dapi ils 25 da nov. 2013 (AS **2013** 3687; BBI **2011** 6793 6829).

4. chapitel Procedura tar iniziativas parlamentaras

Art. 107⁸⁴ Object e furma

¹ Tras ina iniziativa parlamentara poi vegnir proponi ch'ina cumissiun elavuria in sboz per in decret da l'Assamblea federala.

² L'iniziativa parlamentara sto vegnir motivada. La motivaziun sto cuntegnair en spezial las finamiras dal decret.

³ Tras ina iniziativa parlamentara po ina cumissiun suttametter a sia chombra in sboz per in decret.

Art. 108 Inadmissibladad

L'iniziativa parlamentara d'in parlamentari u d'ina fraczion è inadmissibla, sche la dumonda po vegnir inoltrada sco proposta tar il sboz per in decret pendent en l'Assamblea federala. Davart excepcions decida il biro da la chombra.

Art. 109 Procedura da l'examinaziun preliminara

¹ Iniziativas parlamentaras d'in parlamentari u d'ina fraczion sco er propostas per elavurar ina iniziativa da la cumissiun che vegnan inoltradas a tala ston vegnir suttamessas ad in'examinaziun preliminara.

² La cumissiun cumpetenta da la chombra, a la quala l'iniziativa è vegnida inoltrada, decida il pli tard 1 onn suenter l'attribuziun da l'iniziativa, sch'ella vul acceptar l'iniziativa u sch'ella propona a la chombra da refusar quella. Sche la chombra accepta la proposta da la cumissiun, è l'iniziativa liquidada.⁸⁵

³ Il conclus d'acceptar ina iniziativa u d'elavurar ina iniziativa da la cumissiun sto vegnir approvà da la cumissiun cumpetenta da l'autra chombra. Questa cumissiun envida la cumissiun da la chombra prioritara da nominar ina delegaziun che la preschenta il conclus. Sche la segunda cumissiun n'accepta betg il conclus, vegn l'iniziativa mo acceptada sche tuttas duas chombras l'acceptan. Sche la segunda chombra n'accepta betg l'iniziativa, è quella refusada definitivamain.⁸⁶

^{3bis} La cumissiun da l'autra chombra e – per mancanza d'ina decisiun concordanta – las cumissiuns cumpetentas da las chombras prendan lur decisiun tenor l'alinea 3 u

⁸⁴ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829).

⁸⁵ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829). Guardar er la disp. trans. da questa midada a la fin da questa lescha.

⁸⁶ Integrà la quarta frasa tras la cifra I da la LF dals 3 d'oct. 2008, en vigur dapi ils 2 da mars 2009 (AS **2009** 725; BBI **2008** 1869 3177).

fan lur proposta a lur chombra mintgamai il pli tard 1 onn suenter ch'ina cumissiu u ina chombra ha prendì in conclus davart l'iniziativa.⁸⁷

⁴ Sche quel che ha inoltrà ina iniziativa u la proposta d'elavurar ina iniziativa n'è betg commember da la cumissiu, po el prender part cun vusch consultativa a las sesidas da la cumissiu da l'atgna chombra durant l'examinaziun preliminara.⁸⁸

⁵ Sche l'autur d'ina iniziativa sorta da la chombra e sche nagin auter parlamentari na surpiglia l'iniziativa durant l'emprima emna da la proxima sessiun, vegn l'iniziativa stritgada senza conclus da la chombra, nun che la cumissiu haja già acceptà l'iniziativa.⁸⁹

Art. 110 Object da l'examinaziun preliminara

¹ Ina iniziativa u ina proposta per elavurar ina iniziativa vegn acceptada, sch'il basegn da regulaziun vegn da princip approvà e sche la furma da l'iniziativa parlamentara vegn giuditgada sco cunvegnenta.

² La furma da l'iniziativa parlamentara sto vegin giuditgada sco cunvegnenta cunzunt, sche:

- a. l'iniziativa propona in sboz per in decret en il sectur dal dretg parlamentar;
- b. l'elavuraziun d'in sboz per in decret ch'è vegnida pretendida da moziuns inoltradas n'è betg vegnida fatga a temp; u
- c.⁹⁰ in sboz per in decret po probablamaïn vegin elavurà pli svelt sin questa via che tras ina moziun.

³ La cumissiu examinescha, co ch'ella po elavurar in sboz da decret a temp ed en moda adequata cun ils medis che la stattan a disposiziun.

Art. 111 Elavuraziun d'in sboz per in decret

¹ Sch'ina iniziativa vegn acceptada, elavura la cumissiu cumpetenta da la chombra, a la quala l'iniziativa è vegnida inoltrada, entaifer 2 onns in sboz.

² Sche quel che ha inoltrà ina iniziativa u la proposta d'elavurar ina iniziativa n'è betg commember da la cumissiu, po el prender part cun vusch consultativa a las sesidas da la cumissiu da l'atgna chombra durant l'elavuraziun dal sboz.⁹¹

⁸⁷ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829). Guardar er la disp. trans. da questa midada a la fin da questa lescha.

⁸⁸ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829).

⁸⁹ Integrà tras la cifra I da la LF dals 3 d'oct. 2008, en vigur dapi ils 2 da mars 2009 (AS **2009** 725; BBI **2008** 1869 3177).

⁹⁰ La rectificaziun da la Cumissiu da redacziun da l'Assamblea federala dals 17 da favr. 2016, publitzgada il 1. da mars 2016, concerna mo il text talian (AS **2016** 657).

⁹¹ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829).

³ Il rapport ch'explitga il sboz per in decret da l'Assamblea federala correspunda a las pretensiuns d'ina missiva dal Cussegl federal (art. 141).

Art. 112 Collavuraziun cun il Cussegl federal e cun l'administraziun federala

¹ La cumissiun po consultar il departament cumpetent per survegnir tut las infurmazioni giuridicas e materialas ch'en necessarias per elavurar il sboz per in decret.

² Ella dat en consultazion il sboz preliminar inclusiv il rapport explicativ tenor las disposiziuns da la Lescha federala dals 18 da mars 2005⁹² davart la procedura da consultazion.⁹³

³ Il rapport ed il sboz per in decret, ch'ella suttametta a la chombra, suttametta ella a medem temp er al Cussegl federal per laschar prender posiziun e fixescha in termin adequat per quest intent; exceptadas èn disposiziuns davart l'organisaziun u la procedura da l'Assamblea federala che n'en betg fixadas en la lescha e che na conceran betg directamain il Cussegl federal.⁹⁴

⁴ Sch'il Cussegl federal propona ina midada, tracta la cumissiun la posiziun dal Cussegl federal avant che la tractativa dal sboz per in decret ha lieu en la chombra prioritara.

Art. 113 Prolungaziun da termins e stritgada

¹ Sche la cumissiun na preschenta betg ses sboz per in decret entaifer 2 onns, decida la chombra sin proposta da la cumissiun u dal biro, sch'il termin vegr prolungà u sche l'iniziativa vegr stritgada.

² La cumissiun po proponer a la chombra da stritgar l'iniziativa, sche:

- a. ella è ademplida tras in auter sboz per in decret; u
- b. l'incumbensa a la cumissiun na duai betg vegr mantegnida.

Art. 114 Tractament dal sboz per in decret en las chombras

¹ Sche la chombra accepta en la votaziun generala il sboz per in decret elavurà da sia cumissiun, vegr l'iniziativa tramessa a l'autra chombra e vegr tractada vinavant tenor la procedura ordinaria per sbozs da decrets.⁹⁵

⁹² SR **172.061**

⁹³ Versiun tenor l'art. 12 cifra 1 da la Lescha federala dals 18 da mars 2005 davart la procedura da consultazion, en vigur dapi il 1. da sett. 2005 (AS **2005** 4099; BBI **2004** 533).

⁹⁴ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829).

⁹⁵ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829).

^{1bis} Sche la chombra n'entra betg en il sboz per in decret elavurà da sia cumissiu u sch'ella refusa il sboz en la votaziun generala, è l'iniziativa liquidada.⁹⁶

² En la cumissiu da la seconda chombra vegg il sboz da la chombra prioritara preschentà d'in commember da quella cumissiu che l'ha elavurà.

5. chapitel Procedura tar iniziativas dals chantuns

Art. 115⁹⁷ Object e furma

¹ Tras ina iniziativa dals chantuns po mintga chantun proponer ch'ina cumissiu elavuria in sboz per in decret da l'Assamblea federala.

² L'iniziativa dals chantuns sto veggir motivada. La motivaziun sto cuntegnair en spezial las finamiras dal decret.

Art. 116 Procedura da l'examinaziun preliminara

¹ Iniziativas dals chantuns èn suttamessas ad in'examinaziun preliminara.

² Per l'examinaziun preliminara vala l'artitgel 110 tenor il senn.

³ Il conclus d'acceptar ina iniziativa sto veggir approvà da las cumissiuns cumpeten-tas da tuttas duas chombras. Sch'ina cumissiu refusa il conclus, decida la chombra entira. Sche la chombra refusa il conclus, vegg l'iniziativa surdada a l'autra chom-brà. La seconda refusa da vart d'ina chombra è definitiva.

^{3bis} Per las cumissiuns valan ils termins tenor l'artitgel 109 alineas 2 e 3^{bis}.⁹⁸

⁴ Durant l'examinaziun preliminara lascha la cumissiu da la chombra prioritara veggir a pled ina represchentanza dal chantun.

Art. 117 Elavuraziun d'in sboz per in decret

¹ Tenor l'artitgel 84 vegg ina iniziativa acceptada suttamessa anc ina giada ad ina da las chombras per l'emprim tractament.

² Per l'ulteriura procedura valan ils artitgels 111–114 tenor il senn. L'annullaziun d'ina iniziativa sto veggir approvada da l'autra chombra. Sche la chombra prioritara decida da betg entrar en il sboz da la cumissiu u sch'ella refusa il sboz en la vota-ziu generala, vala quai sco annullaziun.

⁹⁶ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829).

⁹⁷ Versiun tenor la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829).

⁹⁸ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS 2013 3687; BBI 2011 6793 6829). Guardar er la disp. trans. da questa midada a la fin da questa lescha.

6. chapitel Procedura tar intervenziuns parlamentaras

1. part Disposiziuns generalas

Art. 118 Tips d'intervenziuns parlamentaras

¹ Intervenziuns parlamentaras èn:

- a. la moziun;
- b. il postulat;
- c. l'interpellaziun;
- d. la dumonda.

² Ellas sa drizzan per regla al Cussegli federal.

³ Ellas sa drizzan al biro da la chombra, a la quala ellas èn vegnidias inoltradas, sch'ellas sa refereschan al sectur dal dretg parlamentar.

⁴ Ellas sa drizzan als tribunals da la Confederaziun, sch'ellas sa refereschan a lur gestiun u a lur finanzas; moziuns èn exclusas.

^{4bis} Ellas sa drizzan a l'Autoridad da surveglianza da la Procura publica federala, sch'ellas sa refereschan a la gestiun u a las finanzas da la Procura publica federala u da sia autoridad da surveglianza; moziuns èn exclusas.⁹⁹

⁵ Per las intervenziuns als biros da las chombras ed als tribunals da la Confederaziun valan ils artitgels 120–125 tenor il senn.¹⁰⁰

Art. 119 Disposiziuns generalas per la procedura tar intervenziuns

¹ Intervenziuns pon vegnir inoltradas da la maioritat d'ina cumissiun ubain durant la sessiun d'ina fracziun u d'in parlamentari.

² Sch'il cuntegn d'ina intervenziun po vegnir dividì, po vegnir debattà e votà separadament davart ils singuls puncs.

³ Il text d'ina intervenziun inoltrada na po betg pli vegnir midà; resalvà resta l'artitgel 121 alinea 3 litera b.¹⁰¹

⁴ ...¹⁰²

⁹⁹ Integrà tras la cifra I da la LF dals 21 da zer. 2013 (meglieraziuns da l'organisaziun e da las proceduras dal parlament), en vigur dapi ils 25 da nov. 2013 (AS **2013** 3687; BBI **2011** 6793 6829).

¹⁰⁰ La rectificaziun da la Cumissiun da redacziun da l'Assamblea federala dal 15 da favr. 2018, publitgada il 27 da favr. 2018, concerna mo il text franzos (AS **2018** 935).

¹⁰¹ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS **2009** 725; BBI **2008** 1869 3177).

¹⁰² Aboli tras la cifra I da la LF dals 3 d'oct. 2008, cun effect dapi ils 2 da mars 2009 (AS **2009** 725; BBI **2008** 1869 3177).

⁵ L'intervenziun d'in parlamentari u d'ina fracciun vegn annullada senza ina decisiun da la chombra, sche:

- a. la chombra n'ha betg tractà definitivamain l'intervenziun entaifer 2 onns suenter ch'ella è vegnida inoltrada; u
- b. l'autur sorta da la chombra e nagin auter parlamentari na surpiglia l'intervenziun en l'emprima emna da la proxima sessiun.¹⁰³

⁶ ...¹⁰⁴

2. part Moziun

Art. 120 Object

¹ La moziun incumbensescha il Cussegl federal da preschentar in sboz per in decret da l'Assamblea federala u da prender ina mesira.

² Sch'il Cussegl federal è cumpetent da prender la mesira, prenda el quella u sustattametta a l'Assamblea federala il sboz per in decret che realisescha la moziun.

³ Ina moziun è inadmissibla, sch'ella vul prender influenza sin ina disposiziun administrativa che sto vegnir decretada en ina procedura definida da la lescha u sin ina decisiun da recurs.

Art. 121¹⁰⁵ Tractament en las chombras

¹ Il Cussegl federal propona d'acceptar u da refusar la moziun, e quai per regla il pli tard il cumenzament da la proxima sessiun ordinaria suenter l'inoltrazion. Sch'ina moziun vegn inoltrada d'ina cumissiun damain che 1 mais avant che la proxima sessiun ordinaria cumenza, formulescha il Cussegl federal sia proposta il pli tard il cumenzament da la surproxima sessiun.

² Sch'ina chombra refusa ina moziun, è quella liquidada. Sche la chombra, nua che la moziun è vegnida inoltrada, accepta quella, vegn ella transferida a l'autra chombra.

³ Ina moziun ch'è vegnida acceptada en la chombra prioritara po la segunda chombra:

- a. acceptar u refusar definitivamain;
- b. midar sin proposta da la maioritad da la cumissiun predeliberanta u dal Cussegl federal.

⁴ En la segunda tractativa po la chombra prioritara acceptar las midadas che la segunda chombra ha fatg, u refusar definitivamain la moziun.

¹⁰³ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

¹⁰⁴ Aboli tras la cifra I da la LF dals 3 d'oct. 2008, cun effect dapi ils 2 da mars 2009 (AS 2009 725; BBI 2008 1869 3177).

¹⁰⁵ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

⁵ Ina moziun ch'è vegnida acceptada da la chombra prioritara è acceptada definitivamain, senza il consentiment da la segunda chombra, sche:

- a. ella sa referescha a dumondas da l'organisaziun e da la procedura da la chombra, nua ch'ella è vegnida inoltrada; u
- b. ella è vegnida inoltrada d'ina cumissiun ed ina moziun identica d'ina cumissiun è vegnida acceptada da l'autra chombra.

Art. 122¹⁰⁶ Tractament da moziuns acceptadas

¹ Sch'ina moziun è pendenta per passa 2 onns, infurmescha il Cussegl federal ina giada l'onn l'Assamblea federala davart las lavurs fatgas fin ussa e davart las mesiras ch'el vul prender per ademplir l'incumbensa. Quest rapport vegin adressà a las cumissiuns cumpetentas.

² Ina cumissiun u il Cussegl federal propona d'annullar ina moziun, sche la finamira da la moziun è ademplida. La proposta sa drizza a tuttas duas chombras, nun che la moziun sa refereschia a dumondas da l'organisaziun e da la procedura d'ina singula chombra.

³ L'annullaziu po er vegnir proponida, sche l'incumbensa n'è anc betg ademplida, ma na duai betg vegnir mantegnida. La proposta vegin motivada:

- a. tras ina rapport spezial davart la moziun annullabla; u
- b. tras ina missiva davart in sboz per in decret da l'Assamblea federala ch'è collià materialmain cun la moziun.

⁴ Sche las decisiuns da las duas chombras davart la proposta d'annullaziu sa divergeschan, vegin applitgada l'eliminaziun da differenzas tenor l'artitgel 95.

⁵ Sche la proposta d'annullaziu vegin refusada da tuttas duas chombras, sto il Cussegl federal ademplir l'incumbensa da la moziun entaifer 1 onn u entaifer il termin legal che las duas chombras han fixà, refusond la proposta.

⁶ Sch'il Cussegl federal n'observa betg il termin, decidan las duas chombras en la proxima sessiun ordinaria sin proposta da las cumissiuns cumpetentas davart ina nova prolongaziun dal termin u davart l'annullaziu.

3. part Postulat

Art. 123 Object

Il postulat incumbensescha il Cussegl federal d'examinar u da rapportar, sch'i stoppia vegnir preschentà in sboz per in decret da l'Assamblea federala u sch'i stoppia vegnir prendida ina mesira. I po er vegnir dumandà in rapport davart in auter object.

¹⁰⁶ Versiun tenor la cifra I da la LF dals 5 d'oct. 2007 (effect liant da la moziun), en vigur dapi ils 26 da matg 2008 (AS **2008** 2113; BBI **2007** 1457 2149). Guardar er la disp. trans. da questa midada a la fin da questa lescha.

Art. 124 Procedura

¹ Il Cussegl federal propona d'acceptar u da refusar il postulat, e quai per regla il pli tard il cumentenziamento da la proxima sessiun ordinaria suenter l'inoltraziun. Sch'in postulat vegin inoltrà d'ina cumissiun damain che 1 mais avant che la proxima sessiun ordinaria cumenza, formulescha il Cussegl federal sia proposta il pli tard il cumentenziamento da la surproxima sessiun.¹⁰⁷

² Il postulat è acceptà, sch'ina chombra l'approvescha.

³ Il Cussegl federal ademplescha in postulat, sch'el infurmescha en in rapport separà, en in rapport da gestiun u en ina missiva davart in sboz per in decret da l'Assamblea federala.

⁴ Sch'in postulat è pendent per passa 2 onns, infurmescha il Cussegl federal ina giada l'onn l'Assamblea federala davart las lavurs fatgas fin ussa e davart las mesuras ch'el vul prender per ademplir l'incumbensa. Quest rapport vegin adressà a las cumissiuns cumpetentas.

⁵ Sin proposta motivada dal Cussegl federal u d'ina cumissiun vegin il postulat annullà, sch'el è adempli u na duai betg vegnir mantegni. L'annullaziun d'in postulat sto vegnir approvada da la chombra che l'ha acceptà.

4. part **Interpellaziun e dumonda****Art. 125**

¹ Cun ina interpellaziun u cun ina dumonda vegin il Cussegl federal supplitgà d'infurmardavart fatschentas da la Confederaziun.

² Il Cussegl federal respunda per regla fin a la proxima sessiun.

³ Ina interpellaziun u ina dumonda po vegnir declarada sco urgenta.

⁴ Ina interpellaziun è liquidada, sche la discussiun che l'interpellant ha pretendì ha già lieu en la chombra u sche la chombra ha refusà la discussiun.

⁵ Ina dumonda na vegn betg tractada en la chombra. Ella è liquidada tras la resposta dal Cussegl federal.

¹⁰⁷ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

7. chapitel Procedura tar petiziuns ed instanzas

1. part Petiziuns¹⁰⁸

Art. 126¹⁰⁹ Disposiziuns generalas

¹ La cumissiun cumpetenta da mintga chombra decida, sch'ella vul acceptar la petiziun u sch'ella propona a la chombra da refusar quella.

² Sche la petiziun po vegnir preschentada en furma d'ina proposta relativa ad in object da tractativa pendent, infurmescha la cumissiun la chombra davart la petiziun cur ch'ella tracta quest object. La cumissiun fa ina proposta per l'object da tractativa u desista da far quai. La petiziun vegn annullada senza in conclus da la chombra, cur che l'object da tractativa è liquidà.

³ Suenter ch'il tractament d'ina petiziun è terminà infurmeschan ils Servetschs dal parlament ils petents, co ch'igl è vegni tegni quint da la finamira da lur petiziun.

⁴ Ils presidents da las cumissiuns predeliberantas da tuttas duas chombras pon responder directamain ad ina petiziun, sche:

- a. la finamira da quella na po betg vegnir cuntanschida cun ina iniziativa parlamentara, cun ina intervenziu u cun ina proposta;
- b. il cuntegn da quella è evidentamain fauss, da caracter querulant u offendent.

Art. 127¹¹⁰ Conclus da la cumissiun d'acceptar ina petiziun

Sche la cumissiun accepta ina petiziun, surpiglia ella la finamira da la petiziun, elavurond ina iniziativa parlamentara u ina intervenziu.

Art. 128¹¹¹ Proposta da la cumissiun da refusar ina petiziun

¹ La cumissiun incumbensescha sia chombra da refusar la petiziun, sch'ella:

- a. refusa la finamira da la petiziun;
- b. constatescha che la finamira da la petiziun vegn gia sustegnida d'ina autra autoritat cumpetenta;
- c. resguarda la finamira da la petiziun sco ademplida.

² Sche la chombra accepta la petiziun cunter la proposta da la cumissiun, refusa ella la petiziun per mauns da la cumissiun cun l'incumbensa da surpigliar la finamira da la petiziun en ina iniziativa parlamentara u en ina intervenziu.

¹⁰⁸ Integrà tras la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

¹⁰⁹ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

¹¹⁰ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

¹¹¹ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

2. part Instanzas¹¹²

Art. 129

Ina instanza davart la gestiun e davart il cumporment finanzial dal Cussegl federal, da l'administraziun federala, dals tribunals da la Confederaziun e d'auters pertadars d'incumbensas federalas vegn attribuida a las Cumissiuns da gestiun u da finanzas per ch'ella vegnia respundida directamain.

8. chapitel¹¹³

Procedura tar protestas cunter contracts dals chantuns tranter els u cun l'exterior

Art. 129a

¹ Sch'il Cussegl federal protesta cunter in contract dals chantuns tranter els u cun l'exterior, suttametta el a l'Assamblea federala il sboz per in conclus federal simpel pertutgant l'approvaziun dal contract.

² Sch'in chantun protesta, suttametta la cumissiun cumpetenta da la chombra prioritara a quella il sboz per in conclus federal simpel pertutgant l'approvaziun dal contract.

6. titel

Elecziuns, conferma d'elecziuns e constataziun da l'inabilitat d'uffizi¹¹⁴

1. chapitel Disposiziuns generalas per las elecziuns

Art. 130 Princips

¹ La votaziun tar elecziuns en l'Assamblea federala è secreta.

² Elegidas èn quellas persunas, da las qualas il num stat sin dapli che la mesedad dals cedels electorals valaiveis.

³ Per eruir la maioritad absoluta na vegnan betg resguardads ils cedels electorals vids ed ils cedels electorals nunvalaiveis.

⁴ Sch'il dumber dals candidats che cuntanschan la maioritad absoluta è pli grond ch'il dumber dals sezs libers, vegnan exclusas quellas persunas che han survegni las pli paucas vuschs.

¹¹² Integrà tras la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

¹¹³ Integrà tras la cifra II da la LF dals 7 d'oct. 2005, en vigur dapi il 1. da zer. 2006 (AS 2006 1265; BBI 2004 7103).

¹¹⁴ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

Art. 131 Nunvalaivladad e vuschs stritgadas

¹ Cedels electorals che cuntegnan remartgas offendentas u ch'èn marcads cun segns evidents èn nunvalaivels.

² Las vuschs per persunas che n'èn betg elegiblas, ch'èn gia elegidas u ch'èn exclusas da l'elecziun sco er per persunas che na pon betg vegnir identifitgadas cleramain vegnan stritgadas.

³ Sch'il num d'in candidat è scrit dapli che ina giada sin in cedel electoral, vegnan stritgadas las repetiziuns.

⁴ Sch'in cedel electoral cuntegna dapli numbs che mandats avant maun, vegnan ils numbs ch'èn da memia stritgadas cumenzond a la fin da la lista.

⁵ Sch'il dumber dals cedels electorals entrads è pli grond ch'il dumber dals cedels electorals distribuids, n'è l'elecziun betg valaivla e sto vegnir repetida.

2. chapitel Elecziuns en il Cussegl federal**Art. 132** Renovazion totala

¹ Ils commembres dal Cussegl federal vegnan elegids da l'Assamblea federala plenara en la sessiun suenter la renovazion totala dal Cussegl naziunal.

² Ils sezs vegnan occupads in per in ed in suenter l'auter, en la successiun da la vegliadetgna d'uffizi dals titulars vertents. Ils sezs per ils quals candideschan commembres dal Cussegl federal en uffizi vegnan occupads l'emprim.

³ En ils emprims dus scrutinis pon vegnir elegidas tut las persunas elegiblas. A partir dal terz scrutini n'èn admessas pli naginas ulteriuras candidaturas.

⁴ Da l'elecziun vegn exclus:

- a. a partir dal segund scrutini: tgi che ha survegnì damain che 10 vuschs; e
- b. a partir dal terz scrutini: tgi che ha survegnì il dumber da vuschs il pli pitischen, nun che dapli ch'ina persuna haja survegnì quest dumber da vuschs.

Art. 133 Occupazion da posts vacants

¹ Posts vacants vegnan per regla ocupads en la sessiun suenter l'entrada da la brev da demissiun, l'extrada numprevista u la constataziun da l'inabilitad d'uffizi.¹¹⁵

² Il commember nov elegi entra en uffizi il pli tard 2 mais suenter sia elecziun.

³ Sche plirs posts vacants ston vegnir occupads, è decisiva per la successiun la vegliadetgna d'uffizi dals titulars precedents.

¹¹⁵ Versiun tenor la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBI 2008 1869 3177).

Art. 134 Elecziun dal presidi dal Cussegħi federal

L'Assamblea federala elegia tranter ils commembors dal Cussegħi federal il president da la Confederaziun ed il vicepresident dal Cussegħi federal; els vegnan elegids in suenter l'auter e per la durada d'in onn.

3. chapitel Elecziuns en ils tribunals da la Confederaziun**Art. 135** Renovaziun totala

¹ Elecziuns en ils tribunals da la Confederaziun vegnan realisadas avant il cumenzament da la nova perioda d'uffizi separadomain per ils differents tribunals e separadomain per ils derschaders sco er per ils derschaders suppleants.

² La renovaziun ha lieu ubain tras la reelecziun dals commembors che sa mettan puspè a disposiziun u, en cas ch'in post è vacant u ch'in commember na vegn betg reelegi, tras in'elecziun cumplementara.

Art. 136 Reelecziun

¹ Sco cedel electoral serva ina glista dals numbs dals commembors che sa mettan puspè a disposiziun, en la successiun da lur vegliadetgħna d'uffizi.

² Ils electurs pon stritgar singuls candidats. Numbs supplementars na vegnan betg resguardadhs. Cedels electorals, sin ils quals tut ils numbs ēn vegnids strītgħad, restan valaivelhs e vegnan resguardadhs per calcular la maioritad absoluta.

³ I dat mo in scrutini. Candidats che na cuntanschan betg la maioritad absoluta pon candidar per l'elecziun cumplementara.

Art. 137 Elecziun cumplementara

¹ Elecziuns cumplementaras han lieu, sch'igl ha dà ina vacanza ubain sch'in commember n'è betg vegni reelegi.

² Sch'i na vegnan betg annunziads al biro da l'Assamblea federala plenara fin il di avant l'elecziun dapli candidats che sezs libers e sch'i na vegnan libers nagins sezs tar la reelecziun dals commembors vertents, serva sco cedel electoral ina glista cun ils numbs dals candidats en successiun alfabetica, cas cuntrari ina glista vida cun uschè bleras lingias sco sezs che ston vegnir occupads.

³ En ils emprims dus scrutini pon vegnir elegidas tut las persunas elegiblas. Davent dal terz scrutinij n'èn admessas pli naginas ulteriuras candidaturas.

⁴ Da l'elecziun vegg exclus:

- a. a partir dal segund scrutinij: tgi che ha survegnì damain che 10 vuschs; e
- b. a partir dal terz scrutinij, sch'igl ēn avant maun dapli candidaturas che sezs libers: tgi che ha survegnì il dumber da vuschs il pli pitschen, nun che dapli ch'ina persuna haja survegnì quest dumber da vuschs.

Art. 138 Elecziun dals presidis dals tribunals da la Confederaziun

L'Assamblea federala elegia il president ed il vicepresident d'in tribunal federal per 2 onns. Els vegnan elegids il medem mument sin dus cedels electorals divers.

4. chapitel Ulteriuras elecziuns**Art. 139**

L'Assamblea federala fa ulteriuras elecziuns ch'èn previsas da la Constituziun u d'ina lescha, e quai tenor las reglas per las elecziuns en il Cussegl federal.

5. chapitel Conferma d'elecziuns**Art. 140**

¹ L'Assamblea federala conferma las elecziuns, sco pretendi da la lescha.

² Ina cumissiun da l'Assamblea federala plenara giuditgescha l'elecziun, cun excepcziun da l'elecziu dal secretari general da l'Assamblea federala. Per quest intent po la cumissiun laschar vegnir a pled la persuna che duai vegnir confermada ed ina represchentanza da l'organ electoral. La cumissiun propona a l'Assamblea federala plenara da confermar u da betg confermar l'elecziun.

³ En ina votaziun per scrutini decida l'Assamblea federala plenara cun la maioritat dals commembors votants da confermar u da betg confermar l'elecziun. Sch'ella refusa l'elecziun, sto l'organ electoral far ina nova elecziun.

6. chapitel¹¹⁶**Constataziun da l'inabilitad d'exequir l'uffizi da commembors dal Cussegl federal u dal chancelier federal****Art. 140a**

¹ L'Assamblea federala decida davart dumondas da constatar l'inabilitad d'exequir l'uffizi da commembors dal Cussegl federal u dal chancelier federal.

² Il dretg da far questa dumonda han il biro da l'Assamblea federala plenara ed il Cussegl federal.

³ L'inabilitad d'exequir l'uffizi sto vegnir supponida, sche las suandardas premissas èn ademplidas:

¹¹⁶ Integrà tras la cifra I da la LF dals 3 d'oct. 2008, en vigur dapi ils 2 da mars 2009 (AS 2009 725; BBl 2008 1869 3177).

- a. la persuna respectiva n'è evidentamain betg pli en cas d'exequir ses uffizi pervia da gronds problems da sanadad u pervia d'intervenziuns che l'imedeschan da turnar a sia plazza da lavour;
- b. quest stadi vegn probablaman a durar ditg;
- c. la persuna respectiva n'ha betg declarà legalmain e valaivlamain sia demisius entaifer in termin adequat.

⁴ L'Assamblea federala plenara decida il pli tard en la sessiun che ha lieu suenter che la dumonda è vegnida inoltrada.

⁵ Da la constataziun da l'inabilitad d'exequir l'uffizi resulta in sez vacant.

7. titel Relaziun tranter l'Assamblea federala ed il Cussegl federal

1. chapitel Projects dal Cussegl federal

Art. 141 Missivas tar sbozs per in decret

1 Il Cussegl federal suttametta a l'Assamblea federala ses sbozs per decrets ensemens cun ina missiva.

2 En la missiva motivescha el il sboz per in decret e commentescha sche necessari las singulas disposiziuns. Ultra da quai explitga el en spezial ils sustants puncts, sch'igl è pussaivel da far indicaziuns substanzialas:

- a. la basa legala, las consequenzas per ils dretgs fundamentals, la cumpatibilitad cun il dretg surordinà e la relaziun cun il dretg europeic;
- abis¹¹⁷ l'utilisaziun da la libertad d'agir da la Svizra, sch'i vegn surpiglià dretg internaziunal;
- ater¹¹⁸ l'observaziun dal princip da la subsidiaritat tar l'attribuziun e tar l'adempilment d'incumbencias statalas e las consequenzas ch'il sboz per in decret ha per las vischancas, per las citads, per las aglomeraziuns urbanas e per ils territoris da muntogna;
- aquater¹¹⁹ l'examinaziun d'ina limitaziun temporal da la valaivladad dal sboz per in decret;
- b. las cumpetenzas ch'il sboz da lescha prevesa da delegar;
- c. las opiniuns e las alternativas discutadas en la procedura preparlamentara e la posiziun dal Cussegl federal en chaussa;

¹¹⁷ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBl 2017 6797 6865).

¹¹⁸ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBl 2017 6797 6865).

¹¹⁹ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBl 2017 6797 6865).

- d. la realisaziun planisada dal decret, l'evaluaziun previsa da questa realisaziun e las pussavladads da realizar il decret ch'en vegnidas examinadas avant la procedura legislativa;
- e. la concordanza d'incumbensas e da dumondas finanzialas;
- f.¹²⁰ las consequenzas persunalas e finanzialas ch'il sboz per in decret e sia excezuiun han per la Confederaziun, per ils chantuns e per las vischnancies sco er la moda e maniera da cuvrir ils custs e la relaziun dals custs e dal niz;
- g.¹²¹ las consequenzas per l'economia, per la societad, per l'ambient e per generaziuns futuras;
- g^{bis}¹²² il mantegniment da l'atgna responsabladad e da la libertad d'agir da las personas privatas ch'en pertutgadas d'ina regulaziun;
- g^{ter}¹²³ las consequenzas per il basegn da tecnologias d'infurmazion e da comunicaziun ed ils custs che resultan qua tras;
- h.¹²⁴ la relaziun dal sboz per in decret cun la planisaziun da la legislatura e cun il plan da finanzas;
- i. las consequenzas per l'egalitat tranter dunna ed um;
- j.¹²⁵ las consequenzas ch'il sboz per in decret ha per ils Svizzers a l'exterior.

Art. 142 Preventiv, supplements e quint dal stadi

¹ Il Cussegli federal suttametta a l'Assamblea federala:

- a.¹²⁶ il sboz per il preventiv da la Confederaziun;
- b. ils sbozs per ils supplements ordinaris e per ils credits supplementars: 2 mais avant il cumenzament da la sessiun, en la quala els duain vegnir tractads;
- c. il quint dal stadi: mintga onn 2 mais avant il cumenzament da la sessiun, en la quala el duai vegnir tractà.

² El integrescha ils sbozs per il preventiv sco er ils quints da l'Assamblea federala, dals tribunals da la Confederaziun, da la Controlla federala da finanzas, da la Pro-

¹²⁰ Versiun tenor la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

¹²¹ Versiun tenor la cifra I da la LF dals 3 d'october 2008 (Dretg parlamentar. Differentas midadas), en vigur dapi ils 2 da mars 2009 (AS 2009 725; BBI 2008 1869 3177).

¹²² Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

¹²³ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

¹²⁴ Versiun tenor la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

¹²⁵ Integrà tras la cifra I da la LF dals 15 da zer. 2018, en vigur dapi ils 26 da nov. 2018 (AS 2018 3461; BBI 2017 6797 6865).

¹²⁶ Versiun tenor l'art. 65 cifra 1 da la Lescha da finanzas dals 7 d'oct. 2005, en vigur dapi il 1. da matg 2006 (AS 2006 1275; BBI 2005 5).

cura publica federala e da l'Autoritat da surveglianza da la Procura publica federala senza midadas en ses sboz per il preventiv ed en il quint da la Confederaziun.¹²⁷

³ Il Tribunal federal reprechenta ils sbozs per ils preventivs ed ils quints dals tribunals da la Confederaziun devant l'Assamblea federala. Per l'Assamblea federala surpiglia questa incumbensa la Delegaziun administrativa da l'Assamblea federala, per la Controlla federala da finanzas la Delegaziun da finanzas, per l'Autoritat da surveglianza da la Procura publica federala e per la Procura publica federala l'Autoritat da surveglianza da la Procura publica federala.¹²⁸

⁴ Il Cussegl federal lascha far calculaziuns approximativas davart il resultat annual previsibel, e quai mintgamai per ils 30 da zercladur e per ils 30 da settember. El orientescha las Cumissiuns da finanzas en chaussa.¹²⁹

Art. 143¹³⁰ Plan da finanzas

¹ Il plan da finanzas cumpiglia ils 3 onns che suondan l'onn dal preventiv.

² La structura ed il cuntegn dal plan da finanzas collian la planisazion da las incumbensas cun la planisazion da las finanzas (plan d'incumbensas e da finanzas integrà).

³ Il Cussegl federal suttametta a l'Assamblea federala il plan da finanzas, ensemble cun il sboz dal preventiv, en furma d'in conclus federal simpel per laschar prender enconuschientscha da tal.

⁴ L'Assamblea federal po cumpletтар il conclus federal simpel cun incumbensas che han l'intent da midar il plan da finanzas.

⁵ Il Cussegl federal ademplescha per regla questas incumbensas cun il sboz dal preventiv per l'onn che suonda l'onn proxim.

Art. 144 Finamiras annualas dal Cussegl federal e rapport da gestiun

¹ Fin al cumenzament da l'ultima sessiun ordinaria da l'onn communityescha il Cussegl federal sias finamiras per l'onn proxim. Questas finamiras èn coordinadas cun la planisazion da la legislatura.

² Il Cussegl federal suttametta a l'Assamblea federala ils rapports davart sia gestiun durant l'onn precedent, e quai 2 mais avant il cumenzament da la sessiun, en la quala els duain vegnir tractads.

¹²⁷ Versiun tenor la cifra II 2 da l'agiunta da la LF dals 19 da mars 2010 davart l'organisazion da las autoritads penales, en vigur dapi il 1. da schan. 2011 (AS **2010** 3267; BBI **2008** 8125).

¹²⁸ Versiun tenor la cifra II 2 da l'agiunta da la LF dals 19 da mars 2010 davart l'organisazion da las autoritads penales, en vigur dapi il 1. da schan. 2011 (AS **2010** 3267; BBI **2008** 8125).

¹²⁹ Integrà tras l'art. 65 cifra 1 da la Lescha da finanzas dals 7 d'oct. 2005, en vigur dapi il 1. da matg 2006 (AS **2006** 1275; BBI **2005** 5).

¹³⁰ Versiun tenor la cifra 1 da l'agiunta da la LF dals 26 da sett. 2014 (nov model da gestiun per l'administraziun federala), en vigur dapi il 1. da schan. 2016 (AS **2015** 1583; BBI **2014** 767).

³ Il rapport da gestiun dal Cussegl federal orientescha davart ils puncts centrals da sia activitat durant l'onn da gestiun. El infurmesch, quant enavant che las finamiras annualas decisivas per l'onn da gestiun èn vegnidas cuntanschidas sco er quant enavant che la planisaziun da la legislatura e dal program legislativ è vegnida realisada, ed el orientescha davart il stadi dals indicaturs relevantes per giuditgar la situaziun generala e per controllar, sche las finamiras èn vegnidas cuntanschidas. Divergenzas e projects betg planisads ston vegnir motivads.¹³¹

Art. 145 Tractament dal rapport da gestiun

¹ Il president da la Confederaziun represchenta il rapport da gestiun dal Cussegl federal en las chombras, nun ch'ils reglaments da las chombras prevesian insatge auter.¹³²

² L'Assamblea federala approvescha quest rapport en furma d'in conclus federal simpel.

Art. 146¹³³ Planisaziun da la legislatura

¹ Il cumentzament da la perioda da legislatura suttametta il Cussegl federal a l'Assamblea federala ina missiva davart la planisaziun da la legislatura ed il sboz per in conclus federal simpel davart la planisaziun da la legislatura.

² Il conclus federal simpel definescha las directivas politicas e las finamiras da la planisaziun da la legislatura; per mintga finamira inditgescha el ils decrets planisads da l'Assamblea federala sco er ulteriuras mesiras necessarias per cuntanscher las finamiras.

³ En la missiva davart la planisaziun da la legislatura vegnan attribuids indicaturs a las finamiras; quels permettan da controllar, sche las finamiras èn vegnidas cuntanschidas. La missiva cuntegna er in'analisa da la situaziun a basa dals indicaturs. Plinavant furnescha ella in survista da tut ils sbozs per decrets ch'il Cussegl federal prevesa da suttametter a l'Assamblea federala durant la perioda da legislatura (program legislativ).

⁴ En la missiva vegn preschentà il plan da finanzas da la legislatura. Quel fixescha il basegn finanzial per la perioda da legislatura e mussa, co che quest basegn finanzial duai vegnir cuvri. Las finamiras e las mesiras da la planisaziun da la legislatura ed il plan da finanzas da la legislatura vegnan coordinads in cun l'auter areguard la materia ed areguard il temp.

¹³¹ Versiun tenor la cifra I da la LF dals 22 da zer. 2007 (planisaziun da la legislatura), en vigur dapi il 1. da dec. 2007 (AS **2007** 5231; BBI **2006** 1837 1857).

¹³² Versiun tenor la cifra I da la LF dals 3 d'oct. 2008 (rapport da gestiun dal Cussegl federal), en vigur dapi il 1. da mars 2009 (AS **2009** 697; BBI **2008** 1095 1105).

¹³³ Versiun tenor la cifra I da la LF dals 22 da zer. 2007 (planisaziun da la legislatura), en vigur dapi il 1. da dec. 2007 (AS **2007** 5231; BBI **2006** 1837 1857).

Art. 147¹³⁴ Tractament da la planisaziun da la legislatura

¹ Las duas chombras tractan la planisaziun da la legislatura en duas sessiuns consecutivas.

² Ils reglements da las chombras pon prevair che:

- a. la chombra decidia— mo davart las propostas u davart las propostas da minoritat da la cumissiun predeliberanta en las tractativas davart la planisaziun da la legislatura; e
- b. autres propostas stoppian vegnir preschentadas a questa cumissiun avant ch'ella cumenza la tractativa detagliada dal conclus federal.

Art. 148 Ulteriuras planisaziuns ed auters raports

¹ Ultra da las planisaziuns e dals raports prescrits da la lescha po il Cussegl federal suttametter a l'Assamblea federala ulteriuras planisaziuns ed auters raports per l'infurmaziun e per prender enconuschiantscha.

² El po preschentar a l'Assamblea federala las finamiras u las conclusiuns da planisaziuns u da raports impurtants en furma d'in sboz per in conclus federal simpel u per in conclus federal.

³ Il Cussegl federal suttametta a l'Assamblea federala periodicamain in rapport davart la politica exteriura da la Svizra.

^{3bis} El rapporta periodicamain a l'Assamblea federala davart la realisaziun da las finamiras strategicas ch'en vegnidas fixadas per las unitads autonomas en il senn da l'artitgel 8 alinea 5 da la Lescha dals 21 da mars 1997¹³⁵ davart l'organisaziun da la rezenza e da l'administraziun.¹³⁶

⁴ L'Assamblea federala po prender conclus da princip e conclus da planisaziun davart ulteriuras planisaziuns impurtantas e davart auters raports impurtants en la furma d'in conclus federal simpel u d'in conclus federal.

Art. 149 Consegna da missivas e da raports dal Cussegl federal

¹ Il Cussegl federal trametta missivas e raports als Servetschs dal parlament il pli tard 14 dis avant la sesida da la cumissiun predeliberanta.

² Ils Servetschs dal parlament tramettan vinavant als parlamentaris ils documents ch'il Cussegl federal e che l'administraziun federala han drizzà a l'Assamblea federala u a sias cumissiuns.

¹³⁴ Versiun tenor la cifra I da la LF dals 22 da zer. 2007 (planisaziun da la legislatura), en vigur dapi il 1. da dec. 2007 (AS **2007** 5231; BBI **2006** 1837 1857).

¹³⁵ SR **172.010**

¹³⁶ Integrà tras la cifra I 1 da la LF dals 17 da dec. 2010 davart la participaziun da l'Assamblea federala tar la direcziun da las unitads daventadas autonomas, en vigur dapi il 1. da schan. 2012 (AS **2011** 5859; BBI **2010** 3377 3413).

2. chapitel Relaziuns tranter las cumissiuns ed il Cussegl federal

Art. 150 Dretgs d'infurmaziun generals

¹ Per pudair ademplir lur incumbensas han las cumissiuns e lur sutcumissiuns il dretg da:

- a. envidar il Cussegl federal a sesidas per survegnir dad el infurmaziuns e pretendier dad el rapport;
- b. survegnir dal Cussegl federal documents per prender invista;
- c. interrogar cun il consentiment dal Cussegl federal personas che lavuran tar la Confederaziun.

² Ellas n'hant nagin dretg da survegnir infurmaziuns:

- a. da las proceduras da cunrapport e da las tractativas da las sesidas dal Cussegl federal;
- b. ch'èn classifitgadas sco secretas en l'interess da la protecziun dal stadi u dals servetschs d'infurmazion, ubain che pudessan chaschunar in grev donn als interess da la Svizra en ils mauns da personas betg autorisadas.¹³⁷

³ Ellas prendan tut las mesiras adattadas per garantir la protecziun dal secret. Ellas pon prevair en spezial che infurmaziuns, che sustattattan al secret d'uffizi tenor l'artigel 8, vegnan communitgadas mo ad ina sutcumissiun.

⁴ Sch'ina cumissiun ed il Cussegl federal na vegnan betg perina pervia da la dimension dals dretgs d'infurmazion, po la cumissiun appellar il presidi da sia chombra. Il presidi intermediescha tranter la cumissiun ed il Cussegl federal.

⁵ Il presidi decida definitivament, sche la cumissiun ed il Cussegl federal n'èn betg perina, schebain las infurmaziuns servan a la cumissiun per ademplir las incumbensas tenor l'alinea 1.

⁶ Sch'il Cussegl federal e la cumissiun n'èn betg perina, schebain ella ha il dretg da survegnir infurmaziuns tenor l'alinea 2, e sche l'intermediaziun dal presidi da la chombra n'ha betg success, po il Cussegl federal er suuttametter a la cumissiun in rapport empè da dar invista als documents.

⁷ Per preparar l'intermediaziun po il presidi da la chombra prender invista senza restricziuns dals documents dal Cussegl federal e da l'administraziun federala.

¹³⁷ Versiun tenor la cifra I da la LF dals 17 da zer. 2011 (precisaziun dals dretgs da las cumissiuns da surveglianza da survegnir infurmaziuns), en vigur dapi il 1. da nov. 2011 (AS 2011 4537; BB 2011 1817 1839).

Art. 151 Consultaziun per decretar ordinaziuns

- 1 La cumissiun responsabla po pretender ch'il sboz d'ina ordinaziun impurtanta dal Cussegl federal vegnia suttamess ad ella per consultaziun.
- 2 Sch'ina ordinaziun sto vegnir midada u decretada directamain suenter ina decisiu da l'Assamblea federala, decida la cumissiun a chaschun da la votaziun generala davart il sboz dal decret, sch'ella vul vegnir consultada u betg.
- 3 Il Cussegl federal infurmescha l'Assamblea federala davart la preparaziun d'ordinaziuns.

Art. 152 Infurmazion e consultaziun en il sectur da la politica exteriura

- 1 La cumissiun cumpetenta per la politica exteriura ed il Cussegl federal tgiran il contact vicendaivel ed il barat d'opiniuns.
- 2 Il Cussegl federal infurmescha regularmain, ad ura ed en moda cumplessiva ils presidis da las Chombras federalas e las cumissiuns cumpetentas per la politica exteriura davart svilups impurtants en la politica exteriura. Las cumissiuns cumpetentas per la politica exteriura transmettan questas infurmaziuns ad outras cumissiuns cumpetentas.
- 3 Il Cussegl federal consultescha las cumissiuns cumpetentas per la politica exteriura en cas da projects essenzials, davart midadas planisadas da la rait da represchentanzas diplomaticas e consularas da la Svizra a l'exterior sco er davart la strategia e las directivas tar il mandat per tractativas internaziunalas impurtantas avant che fixar u midar quest mandat. El infurmescha questas cumissiuns davart il stadi da la realisaziun da questi projects e davart la cuntuaziun da las tractativas.¹³⁸
- 3bis Il Cussegl federal consultescha las cumissiuns cumpetentas avant che applitar provisoricamain in contract internaziunal che l'Assamblea federala sto approvar. Sche las cumissiuns cumpetentas da tuttas duas chombras èn cunter il contract, desista il Cussegl federal da l'applicaziun provisoria.¹³⁹
- 4 En cas urgents consultescha il Cussegl federal ils presidents da las cumissiuns cumpetentas per la politica exteriura. Quels infurmeschan immediatamain lur cumissiuns.
- 5 Las cumissiuns cumpetentas per la politica exteriura u outras cumissiuns cumpetentas pon pretender dal Cussegl federal ch'el las infurmeschia u ch'el las consulteschia.

¹³⁸ Versiun tenor la cifra III 1 da l'agiunta da la LF dals 26 da sett. 2014 davart ils Svizzers a l'exterior, en vigur dapi il 1. da nov. 2015 (AS **2015** 3857; BBI **2014** 1915 2617).

¹³⁹ Integrà tras la cifra I 2 da la LF dals 8 d'oct. 2004 davart l'applicaziun provisoria da contracts internaziunals (AS **2005** 1245; BBI **2004** 761 1017). Versiun tenor la cifra I 2 da la LF dals 26 da sett. 2014 davart la cumpetenza da concluder contracts internaziunals d'ina relevanza limitada e davart l'applicaziun provisoria da contracts internaziunals, en vigur dapi il 1. da matg 2015 (AS **2015** 969; BBI **2012** 7465).

Art. 153¹⁴⁰ Dretg da la Cumissiun da surveglianza da survegnir infurmaziuns

¹ Las Cumissiuns da surveglianza han – ultra dal dretg da survegnir infurmaziuns tenor l'artitgel 150 – er il dretg da communitgar directamain cun tut las autoritads, cun tut ils uffizis e cun tut ils auters gremis ch'adempleschan incumbensas federalas e da survegnir dad els tenor l'artitgel 156 infurmaziuns e documents necessarais per lur lavur. Il scleriment da singuls fatgs pon ellas surdar a lur secretariat.

² Da persunas e d'uffizis ordaifer l'administraziun federala pon ellas dumandar infurmaziuns e documents, sche quai è necessari per ademplir la surveglianza suprema. Sche persunas ordaifer l'administraziun federala han lavurà avant per la Confederaziun, po vegnir applitgà l'artitgel 156. Il dretg da refusar da dar perdita tenor l'artitgel 42 da la Lescha federala dals 4 da december 1947¹⁴¹ davart la procedura civila è applitgabla tenor il senn.

³ A basa d'ina disposiziun dal president da la cumissiun pon ellas citar – applitgond tenor il senn ils artitgels 49, 50 e 201–209 dal Cedesch da procedura penala svizzer¹⁴² – persunas ch'en obligadas da dar infurmaziuns ed ellas han il dretg da las laschar manar devant la cumissiun tras organs da la Polizia federala e chantunala, en cas ch'ellas na cumparan betg senza inditgar in motiv.

⁴ Cunter las disposiziuns davart la citaziun e davart la preschentaziun po vegnir protestà entaifer 10 dis tar il president da la chombra, a la quala appartegna il president da la cumissiun che ha decretà la disposiziun. La protesta n'ha betg in effect suspensiv. Sch'il president da la chombra constatescha che la disposiziun è illegala u sproporzionada, po el conceder ina indemnisiatiun al protestader. La decisiun da protesta è definitiva.

⁵ Avant che las Cumissiuns da surveglianza interrogheschan in commember dal Cussegl federal infurmeschan ellas quest commember davart il tema da l'interrogaziun. Avant ch'ellas interrogheschan persunas ch'en suttamessas u ch'en stadas suttamessas al Cussegl federal, orienteschan ellas il Cussegl federal. Sch'il Cussegl federal pretenda quai, al laschan ellas vegnir a pled avant che las persunas furneschan infurmaziuns u documents ad ellas.

⁶ Las Cumissiuns da surveglianza decidan definitivamain davart l'execuziun da lur dretg da survegnir infurmaziuns. Ellas n'hant nagin dretg da survegnir invista:

- a. dals protocols da las sesidas dal Cussegl federal;
- b. dals documents ch'en classifitgads sco secrets en l'interess da la protecziun dal stadi u dals servetschs d'infurmaziun u che pon chaschunar in grev donn als interess da la Svizra en ils mauns da persunas betg autorisadas.

¹⁴⁰ Versiun tenor la cifra I da la LF dals 17 da zer. 2011 (precisaziun dals dretgs da las cumissiuns da surveglianza da survegnir infurmaziuns), en vigur dapi il 1. da nov. 2011 (AS 2011 4537; BBI 2011 1817 1839).

¹⁴¹ SR 273

¹⁴² SR 312.0

⁷ Las Cumissiuns da surveglianza prendan las mesiras adattadas per proteger il secret tenor l'artitgel 150 alinea 3. Per quest intent sco er per il cas che lur dretg da survegnir infurmaziuns per pudair ademplir la surveglianza suprema na bastan betg, pon ellas incumbensar lur delegaziuns da sclerir ina dumonda concreta. Per lur sectur da cumpetenza fixeschan ellas directivas per proteger il secret. En quellas limiteschan ellas cunzunt l'access a cunrapports.

Art. 154 Dretg da las delegaziuns da las Cumissiuns da surveglianza da survegnir infurmaziuns

¹ A las delegaziuns da las Cumissiuns da surveglianza na dastgan vegnir refusadas naginas infurmaziuns.

² Per ademplir lur incumbensas han las delegaziuns da las Cumissiuns da surveglianza – ultra dals dretgs da survegnir infurmaziuns tenor ils artitgels 150 e 153 – il dretg:

a. da survegnir:

1. ils protocols da las sesidas dal Cussegl federal,
2. ils documents ch'èn classifitgads sco secrets en l'interess da la protecziun dal stadi u dals servetschs d'infurmaziun u che pon chaschunar in grev donn als interess da la Svizra en ils mauns da persunas betg autorisadas;

b. d'interrogar persunas sco perditgas; per citar questas persunas e per las manar devant la delegaziun vala l'artitgel 153 alineas 3 e 4 tenor il senn.¹⁴³

³ La Delegaziun da finanzas e la Delegaziun da las Cumissiuns da gestiun survegnan adina tut ils conclus dal Cussegl federal inclusiv las dumondas ed ils cunrapports. Ellas fixeschan ensemble ils detagls da la consegna, dal prender invista e da l'archivaziun.¹⁴⁴

Art. 154a¹⁴⁵ Consequenzas da las examinaziuns da la Delegaziun da las Cumissiuns da gestiun per otras proceduras ed auters scleriments

¹ Examinaziuns disciplinarias u administrativas da la Confederaziun che pertutgan fatgs u persunas, ch'èn l'object d'ina examinaziun da la Delegaziun da las Cumissiuns da gestiun, dastgan vegnir cumenzadas u cuntinuadas mo cun l'autorisaziun da questa delegaziun.

² La Delegaziun da las Cumissiuns da gestiun decida davart l'autorisaziun suenter avair laschà vegnir a pled il Cussegl federal.

¹⁴³ Versiun tenor la cifra I da la LF dals 17 da zer. 2011 (precisaziun dals dretgs da las cumissiuns da surveglianza da survegnir infurmaziuns), en vigur dapi il 1. da nov. 2011 (AS 2011 4537; BBI 2011 1817 1839).

¹⁴⁴ Versiun tenor la cifra I da la LF dals 17 da zer. 2011 (precisaziun dals dretgs da las cumissiuns da surveglianza da survegnir infurmaziuns), en vigur dapi il 1. da nov. 2011 (AS 2011 4537; BBI 2011 1817 1839).

¹⁴⁵ Integrà tras la cifra I da la LF dals 17 da dec. 2004, en vigur dapi il 1. da matg 2005 (AS 2005 4793; BBI 2004 1469 1477).

³ Sch'igl è disputaivel, sche l'autorisaziun è necessaria u betg, è necessaria l'approvaziun da dus terzs da tut ils commembers da la Delegazion da las Cumissiuns da gestiun.

⁴ In'examinaziun da la Delegazion da las Cumissiuns da gestiun n'impedescha betg la realisaziun da proceduras da dretg civil e da dretg administrativ sco er d'examinaziuns preliminaras e da proceduras giudizialas en chaussas penals.

Art. 155 Audiziun ed interrogaziun da perditgas tras las delegaziuns da las Cumissiuns da surveglianza

¹ Avant mintga interrogaziun stoi vegnir constatà, sch'ina persuna sto s'exprimer sco persuna che dat infurmaziuns u sco perditga.

² L'interrogaziun formala da perditgas vegn ordinada pir, sch'in fatg na po betg vegnir scleri sufficientamain en autra moda. Mintga persuna è obligada da dar perditga.

³ Ina persuna, cunter la quala sa drizza in'examinaziun dal tuttafatg u per gronda part, dastga vegnir interrogada mo sco persuna che dat infurmaziuns.

⁴ Perditgas ston vegnir rendidas attentas a l'obligaziuns da dar perditga e da dir la vidad, las personas che dattan infurmaziuns a lur dretg da refusar da far deposiziuns. Resalvà resta il dretg da refusar da dar perditga tenor l'artitgel 42 alinea 1 da la Lescha federala dals 4 da december 1947¹⁴⁶ davart la procedura civila.

⁵ Per la protocollaziun vegn l'interrogaziun da personas registrada sin in portatun. Ils protocols vegnan suttamess a las personas interrogadas per als suttascrivers.

⁶ Per la procedura e per ils dretgs da las personas pertutgadas èn applitgabels ils artitgels 166–171.

Art. 156 Status da personas che lavuran tar la Confederaziun

¹ Las personas che lavuran tar la Confederaziun èn obligadas da dar infurmaziuns en moda cumplettà e vardaivla sco er da numnar tut ils documents utils.

² Il dretg da refusar da dar perditga tenor l'artitgel 42 alinea 1 da la Lescha federala dals 4 da december 1947¹⁴⁷ davart la procedura civila è applitgabla tenor il senn.

³ Per las personas che lavuran tar la Confederaziun na dastgi dar nagin dischavantatg, sch'ellas èn s'exprimidas en moda vardaivla davant ina cumissiun. Pervia da deposiziuns fatgas davant ina cumissiun dastga vegnir averta ina procedura cunter questas personas mo suenter avair tadlà la cumissiun respectiva.

⁴ Personas che lavuran tar la Confederaziun tenor questa lescha èn il persunal federal sco er las personas incaricadas directamain cun incumbensas da dretg public da la Confederaziun. Il tip da la relaziun cun la Confederaziun n'è betg decisiv.

¹⁴⁶ SR 273

¹⁴⁷ SR 273

Art. 157 Posiziun da l'autoritat pertutgada

L'autoritat pertutgada survegn la pussaivladad da prender posizion avant ch'ina Cumissiun da surveglianza u sia delegaziun fa in rapport davart mancanzas en la gestiun u en la gestiun da las finanzas.

Art. 158 Recumandaziun a l'autoritat responsabla

- 1 En il sectur da la surveglianza suprema po ina Cumissiun u delegaziun da surveglianza drizzar recumandaziuns a l'autoritat responsabla.
- 2 Questa autoritat infurmescha la Cumissiun u delegaziun da surveglianza davart la realisaziun da la recumandaziun.
- 3 La recumandaziun e la posizion da l'autoritat responsabla veggan publitgadas, sche nagins interess degns da veginr protegids na s'opponan a quai.

3. chapitel**Representanza dal Cussegl federal en l'Assamblea federala****Art. 159** Participaziun dal Cussegl federal a las tractativas da las chombras

- 1 A las tractativas da las chombras sa participescha per regla il schef da quel departament ch'è cumpetent per l'object da la tractativa.
- 2 Ils commembers dal Cussegl federal pon laschar s'accumpagnar da persunas che lavuran tar la Confederaziun ubain d'experts. Sin dumonda dal commember dal Cussegl federal po veginr dà il pled a questas persunas excepcionalmain en fatschentas che pretendan enconuschienschas tecnicas spezialas.

Art. 160 Participaziun dal Cussegl federal a las sesidas da las cumissiuns

- 1 En connex cun la deliberaziun d'objects da tractativa ch'il Cussegl federal ha propóni e tar ils quals el ha prendi posiziun, sa participescha per regla in commember dal Cussegl federal a las sesidas da las cumissiuns.
- 2 En accord cun il president da la cumissiun pon ils commembers dal Cussegl federal laschar sa represchentar da persunas che lavuran tar la Confederaziun.
- 3 Ils commembers dal Cussegl federal e lur represchentants han il dretg da laschar s'accumpagnar d'experts.

Art. 161 Participaziun dal chancelier federal

Il chancelier federal represchenta las fatschentas da la Chanzlia federala en las chombras ed en las cumissiuns.

8. titel

Relaziun da l'Assamblea federala cun ils tribunals da la Confederaziun e cun l'Autoritad da survegianza da la Procura publica federala¹⁴⁸

Art. 162

¹ Per la relaziun uffiziala tranter l'Assamblea federala ed ils tribunals da la Confederaziun èn appligablas tenor il senn las suandantas disposiziuns davart la relaziun tranter l'Assamblea federala ed il Cussegl federal:

- a. preventiv e quint dal stadi (art. 142 al. 1);
- b. rapport da gestiun (art. 144 al. 2 e 145 al. 2);
- c. relaziuns tranter las cumissiuns ed il Cussegl federal (7. titel, 2. chapitel);
- d. Cumissiun parlamentara d'inquisizion (9. titel).

² Il Tribunal federal designescha in commember che represchenta en las chombras ed en lur cumissiuns ils sbozs dals preventivs, ils quints ed ils rapports da gestiun dals tribunals da la Confederaziun sco er lur posiziuns tar intervenziuns che sa refereschan a lur gestiun u a lur cumportament finanzial.

³ En las cumissiuns po il commember dal Tribunal federal laschar s'accumpagnar u laschar sa represchentar en accord cun il president da la cumissiun da persunas che lavoran tar la Confederaziun.

⁴ Las cumissiuns dattan als tribunals da la Confederaziun l'occasjün da prender posiziun, sche sbozs per decrets ch'ellas predelibereschan pertutgan las cumpetenças, l'organisaziun u l'administraziun dals tribunals da la Confederaziun.

⁵ Ils alineas 1–4 valan tenor il senn per l'Autoritad da survegianza da la Procura publica federala.¹⁴⁹

9. titel Cumissiun parlamentara d'inquisizion

Art. 163 Incumbensa ed installaziun

¹ En il rom da la survegianza suprema po l'Assamblea federala installar, per sclerir evenimenti da gronda impurtanza, ina Cumissiun parlamentara d'inquisizion (CPI) cuminaiva da tuttas duas chombras per eruir ils fatgs e per procurar ulterioras infur-maziuns necessarias.

¹⁴⁸ Versiun tenor la cifra II 2 da l'agiunta da la LF dals 19 da mars 2010 davart l'organisaziun da las autoritads penalas, en vigur dapi il 1. da schan. 2011 (AS **2010** 3267; BBI **2008** 8125).

¹⁴⁹ Integrà tras la cifra II 2 da l'agiunta da la LF dals 19 da mars 2010 davart l'organisaziun da las autoritads penalas, en vigur dapi il 1. da schan. 2011 (AS **2010** 3267; BBI **2008** 8125).

² Ina tala cumissiun vegn installada cun in conclus federal simpel, suenter avair tadlà il Cussegli federal. En quel vegnan fixads l'incumbensa ed ils medis finanzials da la cumissiun.

Art. 164 Organisaziun

¹ Ina Cumissiun parlamentara d'inquisiziun sa cumpona da tuttina blers parlamentaris da mintga chombra.

² Per eleger ils commembres ed il presidi vala l'artitgel 43 alineas 1–3 e per prender las decisiuns vala l'artitgel 92 alineas 1 e 2 tenor il senn.

³ La Cumissiun parlamentara d'inquisiziun ha in agen secretariat. Il persunal necessari vegn mess a disposizion dals Servetschs dal parlament. La cumissiun po engaschar ulteriur persunal a basa da contracts da laver tenor il Dretg d'obligaziuns.

Art. 165 Procedura

¹ Tenor sia incarica e tenor questa lescha prenda la Cumissiun d'inquisiziun las mesiras proceduralas necessarias per sias retschertgas.

² Las autoritads federalas e chantunalas ston prestar agid uffizial ed assistenza giudiziala a la Cumissiun d'inquisiziun.

³ Ils andaments procedurals essenzials vegnan protocollads.

Art. 166 Dretgs da survegnir infurmaziuns

¹ Per ademplir sia incarica fixada en il conclus federal ha la Cumissiun d'inquisiziun ils medems dretgs da survegnir infurmaziuns sco las delegaziuns da las Cumissiuns da surveglianza (art. 150 e 153–156).

² Per registrar las cumprovas po la Cumissiun d'inquisiziun engaschar en il cas singul incumbentsads d'inquisiziun. Ils incumbentsads d'inquisiziun lavuran tenor l'incumbensa e tenor las directivas da la cumissiun.

³ Il dretg d'interrogar perditgas na po la Cumissiun d'inquisiziun betg delegar als incumbentsads d'inquisiziun.

⁴ Las personas che vegnan interrogadas d'incumbentsads d'inquisiziun han il dretg da refusar da far deposiziuns sco er da consegnar documents. En quest cas vegnan las personas interrogadas da la Cumissiun d'inquisiziun.

⁵ Per registrar las cumprovas vegnan applitgads tenor il senn ils artitgels 42–48 e 51–54 da la Lescha federala dals 4 da december 1947¹⁵⁰ davant la procedura civila, uschenavant che questa lescha na dispona nagut auter.

¹⁵⁰ SR 273

Art. 167 Status dal Cussegl federal

¹ Il Cussegl federal ha il dretg d'esser preschent tar interrogaziuns da persunas che dattan infurmaziuns e da perditgas sco er da tschentar dumondas cumplementaras e da prender invista dals documents consegnads e da las expertisas e dals protocols d'interrogaziun da la Cumissiun d'inquisizion.

² El po s'exprimer davart il resultat da l'inquisizion devant la Cumissiun d'inquisizion ed en in rapport a l'Assamblea federala.

³ Il Cussegl federal designescha in da ses commembers che al represchenta en la Cumissiun d'inquisizion. Quel po incumbensar ina persuna da colliaziun adattada per defender ils dretgs dal Cussegl federal tenor l'alinea 1.

Art. 168 Dretgs da las persunas pertutgadas

¹ La Cumissiun d'inquisizion constatescha tge persunas ch'èn pertutgadas direttamain en lur interess da l'inquisizion ed infurmescha questas persunas immediatamain en chaussa. Ellas possedan il dretg nummà en l'artitgel 167 alinea 1, tant enavant ch'ellas èn pertutgadas.

² La Cumissiun d'inquisizion po restrenscher il dretg da la persuna pertutgada d'esser preschenta tar interrogaziuns e da survegnir invista da las actas u privar ella da quests dretgs, sche l'interess da l'inquisizion currenta ubain sche la protecziun d'autras persunas pretendia quai. En quest cas communityescha ella a bucca u en scrit a la persuna pertutgada il cuntegn essenzial e dat ad ella l'occasiun da s'exprimer en chaussa e da designar ulteriurs meds da cumprova.

³ Ils meds da cumprova che n'en betg vegnids rendids enconuschents a la persuna pertutgada na dastgan betg vegnir duvrads cunter ella.

⁴ La Cumissiun d'inquisizion po permetter a persunas pertutgadas sch'ellas pretendan quai da sa laschar assister d'in advocat per tut la procedura ubain per singulas sesidas, sche quai para dad esser necessari per proteger ils interess giustifitgads da las persunas pertutgadas. L'advocat po mo far propostas da cumprova e tschentar dumondas cumplementaras.

⁵ Cur che las retschertgas èn terminadas ed avant che preschentar il rapport a las chombras survegnan las persunas, cunter las qualas èn vegnidas fatgas renfatschas, invista da las parts dal sboz dal rapport che las pertutgan. Ellas survegnan l'occasiun da s'exprimer en chaussa devant la Cumissiun d'inquisizion a bucca u en scrit entaifer in termin adequat.

⁶ Las posiziuns exprimidas a bucca u en scrit ston vegnir integradas en il rapport tenor il senn.

Art. 169 Obligaziun da discreziun

¹ Tut las persunas che sa participeschan a las sesidas ed a las interrogaziuns èn suttamezzas a l'obligaziun da discreziun entant ch'il rapport a l'Assamblea federala n'è betg anc publitgà. Las persunas interrogadas n'han en spezial betg il dretg, da far indicaziuns envers lur superiurs davart las dumondas ch'èn vegnidas tschentadas e davart ils documents ch'èn vegnids dumandads.

2 Suenter la preschentaziun dal rapport valan las disposiziuns generalas davart il caracter confidencial da las sesidas da las cumissiuns.

3 Davart las dumondas da prender invista da las actas durant il termin da proteczjün tenor ils artitgels 9–12 da la Lescha d'archivazjün dals 26 da zercladur 1998¹⁵¹ decidan il president ed il vicepresident da la Cumissiun d'inquisiziun ubain – sche quels na fan betg pli part da la chombra – il president ed il vicepresident da la Delegazjün da las Cumissiuns da gestiun.

Art. 170 Faussa perditga, faussa expertisa

1 Tgi che fa en la procedura davant la Cumissiun d'inquisiziun sco perditga ina faussa deposizjün, tgi che dat sco expert in fauss resultat u fa ina faussa expertisa, veggia chastià tenor l'artitgel 307 dal Cudesch penal¹⁵².

2 Tgi che refusa senza motiv legal da far ina deposizjün u da consegnar documents, veggia chastià tenor l'artitgel 292 dal Cudesch penal.

3 Ils acts chastiabels, inclusiv la violaziun da l'obligaziun da discreziun tenor l'artitgel 169 alinea 1, suttastattan a la giurisdicziun federala.

Art. 171 Effect sin otras proceduras e scleriments

1 Sche l'Assamblea federala ha decidi d'installar ina Cumissiun d'inquisiziun, na dastgan otras cumissiuns betg pli far ulteriurs scleriments che concernan ils evenimenti numnads en l'incumbensa da la Cumissiun d'inquisiziun.

2 L'installazjün d'ina Cumissiun d'inquisiziun n'impedescha betg la realisaziun da proceduras da dretg civil e da dretg administrativ sco er d'examinaziuns preliminarias e da proceduras giudizialas en chaussas penals.

3 Examinaziuns disciplinaras¹⁵³ u administrativas da la Confederaziun che pertutgan fatgs u persunas, ch'èn u ch'èn stads l'object da l'inquisiziun parlamentara, dastgan veggia cumenzadas mo cun l'autorisaziun da la Cumissiun d'inquisiziun. Proceduras currentas ston veggia interruttas fin che la Cumissiun d'inquisiziun permetta ch'ellas veggian cuntinuadas.

4 Sch'igl è disputaivel, sch'i dovrà in'autorisaziun u betg, decida la Cumissiun d'inquisiziun en chaussa. Sche la Cumissiun d'inquisiziun è abolida, decidan il president ed il vicepresident da la Delegazjün da las Cumissiuns da gestiun.

¹⁵¹ SR 152.1

¹⁵² SR 311.0

¹⁵³ Expressiun tenor la cifra I da la LF dals 17 da dec. 2004, en vigur dapi il 1. da matg 2005 (AS 2005 4793; BBI 2004 1469 1477).

10. titel Disposiziuns finalas

Art. 172 Abolizion e midada dal dretg vertent

L'abolizion e la midada dal dretg vertent vegnan regladas en l'agiunta.

Art. 173 Disposiziuns transitoricas

1. Disposiziun transitorica da l'art. 13 (Mesiras disciplinaras)

L'artitgel 13 vegn applità per cuntravenziuns che vegnan commessas suenter che questa lescha è entrada en vigur.

2. Disposiziun transitorica dals art. 14 e 15 (Incumpatibilitads)

¹ Per commembers dal Cussegl dals chantuns, dals quals la perioda d'uffizi dura sur la data da la renovaziun totala dal Cussegl naziunal ora, la quala ha lieu suenter ch'ils artitgels 14 e 15 èn entrads en vigur, vala la veglia regulaziun da las incumpatibilitads fin a la fin da lor perioda d'uffizi.

² Sche questa lescha entra en vigur suenter ils 31 da fanadur da l'onn d'ina renovaziun totala dal Cussegl naziunal, entran ils artitgels 14 e 15 en vigur pir cun il cu-menzament da l'emprima sessiun suenter la proxima renovaziun totala dal Cussegl naziunal.

3. Disposiziun transitorica dal 5. titel (Proceduras en l'Assamblea federala)

Per objects da tractativa ch'èn pendents en ina chombra il mument che questa lescha entra en vigur vala vinavant il dretg vertent.

4. Disposiziun transitorica dal 9. titel (Cumissiun parlamentara d'inquisiziun)

Ils artitgels 163–171 vegnan applitgads per las Cumissiuns parlamentaras d'inquisiziun che vegnan installadas suenter l'entrada en vigur da questa lescha.

5.¹⁵⁴ Disposiziun transitorica da l'art. 40a (Cumissiun giudiziala)

¹ La Cumissiun giudiziala è cumpetenta per constituir per l'emprima giada las parti-zius dal Tribunal administrativ federal.

² Tar la nominazion ston vegnir resguardadas adequatamain las enconuschientschas spezialas dals derschaders sco er las linguis uffzialas.

6.¹⁵⁵ Disposiziun transitorica dals art. 86 al. 4, 97 al. 2 e 101 al. 2 e 3 (Iniziativas dal pievel)

Las midadas dals artitgels 86 alinea 4, 97 alinea 2 e 101 alineas 2 e 3 valan per iniziativas dal pievel, per las qualas il Cussegl federal n'ha betg anc suttamess a

¹⁵⁴ Integrà tras l'art. 5 cifra 1 da la LF dals 18 da mars 2005 davart l'instituziun dal Tribunal administrativ federal, en vigur dal 1. d'oct. 2005 fin ils 31 da dec. 2006 (AS **2005** 4603; BBI **2004** 4787).

¹⁵⁵ Integrà tras la cifra 1 da la LF dals 3 d'oct. 2008, en vigur dapi ils 2 da mars 2009 (AS **2009** 725; BBI **2008** 1869 3177).

l'Assamblea federala in sboz per in conclus federal davart l'iniziativa dal pievel il mument che la midada dals 3 d'october 2008 da questa lescha entra en vigur.

7.¹⁵⁶ *Disposiziun transitorica da l'art. 105 al. 1^{bis} tenor la midada dals 25 da settember 2009 (Prolungaziun dal termin per tractar ina iniziativa dal pievel)*

Per las iniziaticas federalas dal pievel ch'èn pendentes il mument che la midada dals 25 da settember 2009 entra en vigur vala il dretg nov.

Art. 174 Entrada en vigur

1 Questa lescha è suttamessa al referendum facultativ.

2 La Conferenza da coordinaziun fixescha l'entrada en vigur.

3 Ils artitgels 14, 15 e 61 entran en vigur cun il cumenzament da l'emprima sessiun che suonda la renovaziun totala dal Cussegli naziunal che ha lieu suenter l'entrada en vigur da questa lescha.¹⁵⁷ Il medem mument vegn aboli l'artitgel 18 da la Lescha federala dals 17 da december 1976¹⁵⁸ davart ils dretgs politics (agiunta cifra II 1).

Data da l'entrada en vigur: 1. da december 2003¹⁵⁹

Disposiziun transitorica da la midada dals 5 d'october 2007¹⁶⁰

L'artitgel 122 vala en la versiun nova dals 5 d'october 2007 per moziuns che n'èn anc betg vegnidias acceptadas da las duas chombras il mument da l'entrada en vigur da questa midada.

Disposiziun transitorica da la midada dals 17 da zercladur 2011¹⁶¹

Per tractar dumondas per abolir l'immunitat e dumondas sumegliantias ch'èn pendentes il mument che la midada dals 17 da zercladur 2011 da questa lescha entra en vigur, vala il dretg vertent.

¹⁵⁶ Integrà tras la cifra II da la LF dals 25 da sett. 2009 (retratga cundiziunada d'ina iniziativa dal pievel), en vigur dapi il 1. da favr. 2010 (AS 2010 271; BBI 2009 3591 3609).

¹⁵⁷ 1. di da la sessiun d'enviern 2007 (3 da dec. 2007).

¹⁵⁸ SR 161.1

¹⁵⁹ Decretà da la Conferenza da coordinaziun da la AF dals 16 da sett. 2002.

¹⁶⁰ AS 2008 2113; BBI 2007 1457 2149

¹⁶¹ AS 2011 4627; BBI 2010 7345 7385

Disposizion transitorica dals artitgels 109 alineas 2 e 3^{bis} e 116 alinea 3^{bis} tenor la midada dals 21 da zercladur 2013¹⁶²

Iniziativas parlamentaras ed iniziativas dals chantuns ch'èn gia vegnidas attribuidas ad ina cumissiun per la predeliberaziun cur che questa midada è entrada en vigur, vegnan regladas tenor il dretg vertent.

¹⁶² AS 2013 3687; BBl 2011 6793 6829

Agiunta
(art. 172)

Aboliziun e midada dal dretg vertent

I

Ils sustants decrets vegnan abolids:

1. Lescha da garanzia dals 26 da mars 1934¹⁶³
2. Decret da l'Assamblea federala dals 15 da november 1848¹⁶⁴ concernent il sarament che sto vegnir fatg da las autoritads federalas supremas
3. Lescha davart las relaziuns tranter las chombras dals 23 da mars 1962¹⁶⁵. L'artitgel 8^{septies} resta en vigur fin che l'artitgel 61 da la Lescha dal parlament vegn mess en vigur (art. 174 al. 3).

II

Ils decrets qua sutwart vegnan midads sco suonda:

...¹⁶⁶

¹⁶³ [BS 1 152; AS 1962 773 art. 60 al. 2, 1977 2249 cifra I 121, 1987 226, 2000 273 agiunta cifra I 414, 2003 2133 agiunta cifra 3]

¹⁶⁴ [BS 1 461]

¹⁶⁵ [AS 1962 811, 1984 768, 1985 452, 1987 600 art. 16 cifra 3, 1989 257, 1990 1642, 1992 2344, 2000 273]

¹⁶⁶ Las midadas pon vegnir consultadas en la AS 2003 3543.

